


關日
里志
二十二



漢書門			
二	二	六	五
九	〇	八	〇
冊	架	函	號

內閣文庫			
三	二	二	六
七	一	〇	八
函	冊	架	號

內閣文庫			
番號	漢	2265	
冊數	10 (8)		
函號	287	58	

共十本

八




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak






闕里誌卷之二十一

奏表

奏疏

唐魯國公請修廟奏狀

右鄆曹濮等州觀察使孔溫裕奏伏以禮樂儒
 學教化根本百王取則千古傳風國朝弘闡文
 明尊尚祀典不違古制大振皇猷今曲阜縣乃
 魯國故都文宣廟卽素王舊宅興儒之地孕聖
 之邦所宜廟宇精嚴禮物俱舉近者以兗州頻
 年災歉都廢修管徒瞻數仞之牆纔識兩楹之



位雖春秋無缺於釋奠而揖讓頗紊於藝章遂使金石之音靡聞於盼蠶俎豆之設常列於荒蕪聖域儒門豈宜埋墜臣忝為遠齋叨領重藩咫尺家鄉拘限戎鎮望闕里而無由展敬瞻廟貌而有願興功臣今差人齋持料錢就兗州據廟宇傾毀處悉令修葺皆自支費不擾州縣所需獲遂幽懇克申私誠伏緣兗州非臣本界須有申奏伏乞天恩允臣所請無任惻迫屏營之至謹具如前申書門下牒郵曹濮觀察使牒奉勅鄒魯故鄉俎豆遺教文武之道未墜於地溫

裕雖持戎律死有家風屬兵車之方殷飭聖門以弘教牆新數仞廟設兩楹盡出私財不煩公用綽有餘裕益見器能已賜詔嘉獎餘宜依仍付所司牒至准勅故牒

咸通十年九月二十八日牒

宋王欽若請勅修廟奏狀

京東轉運使資政殿大學士尚書兵部侍郎知通進銀臺司兼門下封駁事王欽若奏請道州府軍監文宣王廟多是摧塌及其中修葺完葺者被勾當事官員使臣指射作磨勘司推勘院

伏以化俗之方 儒術爲本 訓民之道 庠序居先
况傑出生人 垂範經籍 百王取法 歷代攸宗 苟
廟貌之不嚴 卽典章而何貴 恭以睿明 繼統禮
樂 方興咸秩 無文徧走 群望豈可泮宮 遺烈教
父靈祠 頗闕修崇 久盛廢業 仍令講誦之地 或
爲置對之司 混 摶撻於絃歌 亂楛楛於籩豆 殊
非尚德有類 戲 儒方大振於素風 望俯頒於明
制 欲乞特降勅 命指揮令 諸道州府 軍監文宣
王廟 摧毀處 量 破倉庫 頭子 錢修葺 仍令曉示
今後不得占射 充磨勘司 推勘院 及不得令使

臣官員等在廟內居住 所貴斯文 載耀學校 彌
光克彰 鼓篋之風 用洽舞雩之理 中書門下牒
宜令逐路轉運司 遍指揮轄下州府 軍監 依王
欽若所奏 施行牒至 准勅故牒

景德三年二月十六日牒

四十六代孫孔宗翰奏請襲封祀廟奏狀

中散大夫鴻臚卿孔宗翰奏 今有管見 雖于臣
本家之事 上擊朝廷 典禮 臣伏見先臣孔子之
後世 襲封爵一人 自西漢以來 有褒成侯之國
魏晉以降 又有奉聖崇聖恭聖之號 其名不一

皆有實封咸以百練奉祀聖朝祖宗以來益加
崇封真宗東封禮畢親謁儒廟眷遇隆厚恩禮
備至貴道之美冠映古今然各有未立必待聖
朝而正之蓋襲封疏爵本爲侍祠今乃兼領他
官不在故郡且承襲之人皆取嫡長父死子封
不必有德朝廷旣許居外何能更戀祖堂以至
於法度不脩庭宇頽敝恬不爲怪魯人傷之欲
乞特下有司講求古今典禮議其所宜今後不
使襲封之人兼領他職仍乞別立請俸終身使
在鄉里如此則知其不可輕去必能嚴潔祭祀

敦睦親族上以禪聖朝風化之美下以爲襲宗
家世之幸

元祐元年十月十五日

臣寮請世襲給田奏狀

臣寮上言叨以魯中孔子廟貌國之所常敬然
而錫田之數不足以賜族人襲封雖存未免有
事奔走甚非所以尊崇之意也方朝廷日新盛
德推獎名教仰惟先聖宜極尊崇伏望聖慈明
詔有司講求典禮增錫土田之數別異世襲之
人使天下四方知朝廷尊崇之意而於聖化豈

關聖記 卷之二十一
小補哉伏候勅旨奉旨令禮部太常寺同共詳
定間奏付禮部施行本部看詳前代典故自漢
魏以來莫不封孔子之後優錫田邑然未嘗明
立制度故承賜之禮有時而盛衰國家褒崇先
聖之日隆厚真宗常賜經史於其家使兗州擇
儒生講授有以見祖宗尊奉聖祀度越前代今
眾參議合依所講釐定典禮命官以司其用度
立學以訓其子孫則朝廷崇儒貴道之本意
四十六代孫宗翰請增林戶奏狀
夫子墳林今一千六百餘年子孫皆葬其間周

圍十餘里喬木參天近年以來多爲盜賊斫伐
州縣旣不留意看林戶又以減省洙泗之上議
者傷嗟方當朝廷全盛之時天下被其惠澤鄒
魯聖師之地衰敬如此臣昔在慶曆中曾記一
事梁過知兗州日乞以廟兵代廟戶又裁減人
數方是時宰相章得象欲如其請參知政事范
仲淹獨曰此事與尋常利害不同自是朝廷崇
奉聖師美事仁義可息則此人數可減吾輩雖
行他人必復之朝論遂已當時天下以此賢仲
淹而鄙得象疏入哲宗遂詔如舊

關里詩 卷之二十一 五
元祐五年十月

元王惲請立襲封衍聖公事狀

伏見歷代尊禮孔聖世有襲封以奉祀事會驗
國朝自壬辰年間欽奉聖旨於南京取到五十
一代孫孔元措赴闕令襲封於魯自元措之後
嗣襲遂闕歲時主祀止令曲阜令治承權祀事
甚非大宗主祭之義我國家尊師重道焜耀百
代三教九流莫不崇奉豈惜一人爵祿而不議
封建蓋未有舉行者合無聞奏明考族譜令宗
親推其賢而有文者襲其封爵俾奉祀事以明

天下風俗之本寔聖代殊常之盛典也

王惲請教孔顏孟子孫事狀

伏見國朝尊師重道德及後裔其孔顏孟子孫
故往者特設教官使之養育比年以來不聞一
人有學業聞望者雖親炙祖庭其淵源聞見終
是寡陋今後有無選三家德性頗明俊者使入
京師國學令學士等官教育庶幾有成以昭先
世之德

閻中奉請增襲封品秩奉狀

翰林學士閻中奉奏竊惟先聖文宣王之後自

漢以來襲封公侯之爵俱有食邑歷代相仍至唐宋金視舊有加各依品秩頒支俸給國朝有天下累聖崇奉至元三十一年今上皇帝卽位首授五十三代孫密州知州孔治中議大夫襲封衍聖公爵一品散官四品合得俸祿未蒙給賜古者任官然後爵之位定然後祿之上自一品下至司縣小吏俱有俸給况朝廷崇尚聖人之後旣已頒降宣命獨領虛名未霑實祿豈稱爵祿相湏之義照得前代襲封各兼他職視其兼職以爲俸廩之差大元旣無兼職若止視散官

品秩照依隨朝正四品例每月割支俸鈔俾之
有爵有祿以奉祭祀益見明時尊崇聖道之意
大德四年七月十六日

明請加禮樂題本

國子監祭酒周洪謨等題臣近者言孔子封號
冕服籩豆佾舞等事禮部尚書鄒幹等參稱洪
武年間新創南京太學止用神主不設塑像今
國子監有塑像者不過因前元之舊不忍毀擲
以此觀之孔子冕十二旒衣十二章蓋因前元
亦非

聖朝之制臣以爲不然 自古帝王之有天下莫不
因所當因革所當革

太祖高皇帝正祀典百 神封號凡前代所封者盡
行革去惟孔子封號 仍存其舊天下郡縣皆有
元時三皇廟像以民 間不可棄瀆亦皆革去惟
孔子塑像除南京太 學用神主外天下府州縣
學元時塑像悉存其 舊所因所革皆以定一代
之規垂萬世之法豈 可謂所革者爲

聖朝之制而所因者非 聖數之加否不足爲孔子

重輕所貴乎孔子之 道者在身體力行乃爲尊
崇之實臣以爲孔子 之道不外乎禮樂今欲體
孔子之道亦莫先乎 禮樂若不能備其禮樂則
無以將其誠敬報本 之義既疎體道之功安在
臣今查得唐開元中 始封孔子爲文宣王被衣
袞冕樂用宮縣當時 袞冕之名通乎上下天子
之袞冕十二旒十二 章一品之袞冕九旒九章
宮縣者天子之樂也 樂旣用天子之宮縣服必
用天子之袞冕是唐 之奉孔子者已用天子之
禮樂矣宋承五代衰 敝之制至徽宗朝始加孔

子冕爲十二旒元時孔子廟貌徧於天下皆冕
十二旒衣十二章

聖朝孔子冕服籩豆樂章悉因元制然而冕服既
用天子之禮而佾舞則用諸侯之樂以禮論樂
則樂不備以樂論禮則禮爲僭禮旣不明樂又
不稱孔子在天之靈必所不享夫禮樂之因於
前元者旣有缺略則法制之明

聖朝者當爲釐正若事因循不加釐正後世君子
必見非笑如蒙

准言乞

勅內閣大臣并六部三法司六科十三道等官計
議首則正其封號合無表明孔子周人當用周
制其所封乃當時天王之王非後世國王之王
故從前代以來皆用天子冕服封號旣正則冕
服與封號相稱而禮不爲僭矣次則增其器數
合無將十籩十豆增爲十二籩十二豆六佾之
舞增爲八佾之舞器數旣加則佾舞與冕服相
稱而樂不爲缺矣禮明樂備則可以格神靈可
以厚風化可以補前代缺略之典可以備

聖朝尊崇之制誠爲便益緣係建言文廟禮樂事

理未敢擅便本監官於

奉天門題奏奉

聖旨是尊崇孔子是朝廷盛典往他奏遵豆增爲
十二六侑增爲八侑通行天下該衙門知道欽
此

禮部覆本

禮部尚書鄒幹等題前事臣查得先該國子監
祭酒周洪謨題臣聞近日有人建言或欲加孔
子封號或欲封孔子爲帝要覓

聖朝尊崇先聖之意以備一代之制臣按宋元加
大成至聖云者不過言集群聖之大成耳初不
見聖人化澤流於後世之意若欲形容聖人道
德之妙化澤之遠必須以聖神廣運爲詞蓋大
而能化則謂之聖聖不可測則謂之神聖神之
體配天地而無外則謂之廣聖神之用行萬世
而不息則謂之運此四者惟孔子足以當之如
堯之德非不廣運也而止於百年舜之德非不
廣運也而止於一世惟孔子聖功神化流被萬
代此所以賢於堯舜也故五代周太祖曰孔子
百世帝王之師宋真宗曰人倫之表帝道之綱

關聖詩 卷之三十一 十一
宋高宗曰帝王之式古今之師元武宗曰儀範
百王師表萬世是皆謂孔子教化無窮在所當
報而唐儒韓愈亦言孔子用王者事巍然當座
自天子而下北面跪祭進退誠敬禮如親弟子
者信哉聖人化澤之不可忘也至於欲封帝者
宋真宗亦嘗欲封孔子爲帝下有司議或言孔
子周之陪臣周止稱臣不當加以帝號殊不知
夏商周之稱王猶唐虞之稱帝因時制宜非有
降殺是前代之王天子而稱王者也後世之王
藩國而稱王者也若謂孔子用人當用周制止

宜稱王不必稱帝猶之可也若謂夫子陪臣不
當稱帝則非崇德報功之意矣善乎先儒羅從
彥論之曰唐旣封先聖爲王襲其舊號可也加
之帝號而褒崇之亦可也大禮惟其稱而已而
或者不論乃以周之陪臣爲言豈知禮者哉臣
又按唐玄宗旣正孔子南面之位服其衮冕宋
徽宗考正孔子冠服加十二旒金世宗加孔子
冠十二旒服十二章今

聖朝孔子冕十一旒衣十二章其冕服旣用天子
之禮而籩豆則非天子之制六佾亦非天子之

樂也如蒙

准言乞

勅禮部會多官計議或加美謚或封帝號皆無不可如不加封合無將大成至聖四字易為聖神廣運之類如不封帝合無表明孔子周人當依周制其所封乃當時天王之王非後世國王之王况今既有天子冠冕章服則亦當用天子籩豆侑舞合無將十籩十豆增為十二籩十二豆六侑之舞增為八侑之舞使天下後世知

聖朝尊崇先聖而報其功者既正以天王位號復

祀以天子禮樂與唐宋元之所封位號不同而禮樂亦無不稱也又樂舞之制古者鳴球琴瑟堂上之樂笙鏞祝敔堂下之樂而干羽舞於階階今舞羽反居乎上樂器反居乎下殊失古制仍乞

勅禮部著落典禮樂者將諸樂居上舞侑居下為當緣係文廟禮樂事理未敢擅便本監官於奉天門題奉

聖旨禮部看了來說欽此欽遵抄出到部為照先該國子監學正梁端奏要加封孔子本部會同

內閣及各部都察院通政司大理寺六科十三道少保吏部尚書兼

華蓋殿大學士李賢等查得洪武三年六月初三日節該欽奉

太祖高皇帝詔曰夫禮所以明神人正名分不可
以僭差今命依古定制凡嶽鎮海瀆並去其前
代所封之號止以山川本名稱其神郡縣城隍
神號一體改正歷代忠臣烈士亦以當時初封
以爲實號後世溢美之稱皆與革去其孔子善
明先王之要道爲天下師以濟後世非有功於

一方一時者可比所有封爵宜仍其舊庶幾神
人之際各正言順於理爲常用稱朕以禮祀神
之意欽此欽遵及查得正統十二年三月二十
一日巡按直隸監察御史李奎奏要加封孔子
本部會官議擬覆奏奉

英宗睿皇帝聖旨孔子萬世帝王所尊已有大成
至聖之號

祖宗以來旣仍其舊不必增益欽此欽遵天順八
年十一月初九日各官於

奉天門題奏奉

聖旨是欽此除欽遵外今祭酒周洪謨又奏要將大成至聖易為聖神廣運四字臣等切惟聖神廣運四字出於伯益贊堯之詞昔宰予謂孔子賢於堯舜則非替堯之詞可盡孔子之美不若大成至聖四字出於孟子中庸猶僅可以議擬者也至於所言今

聖朝孔子冕十二旒衣十二章既用天子之禮則亦止用天子邊豆佾舞之數二節伏惟

太祖高皇帝建都南京始創國子監止用神主不設聖像故當時祭酒宋訥奉

勅撰又有像不土繪祀以神土歷數百年夷習乃革之語今國子監所有孔子塑像皆因前元之舊不悉毀毀耳以此觀之孔子冕十二旒衣十二章蓋因塑像之舊亦非

聖朝之制而邊豆佾舞之數則祖宗斟酌已有定式若論孔子之功當極其褒崇則雖罄海陸之珍奇全天子之名器亦未足以盡報本之誠所以我

朝

列聖有見於此舉因其舊無所增改為此故也今

周洪謨所言固尊崇孔子之美意但累有奏
准仍舊事理况謚號之易否器數之加否舉不
足爲重輕所貴於孔子之道身體而力行之擴
充而推極之以惠綏元元保乂邦家使舉世蒙
至治之澤享太平之福是乃尊崇孔子之實
聖君賢臣所宜留意者也所據封號邊豆侑舞俱
合仍舊其要將舞侑居下合無行移太常寺詳
考南京洪武永樂年間丁祭舊制定奪未敢擅
便本部尚書鄒幹等於
奉天門題奏奉

聖旨是欽此

成化十二年七月二十五日

視學奠禮奏本

禮部題爲禮儀事儀制清吏司案呈奉本部送
禮科抄出太子太保吏部尚書王恕題近該禮
部儀制清吏司手本內開

皇上於今年三月初三日幸太學釋奠先師孔子
以臣爲分獻東哲官榮幸莫大焉竊觀儀注內
一段開稱導引官導
上詣大成殿陛下典儀唱執事官各司其事執事

官各先斟酒於爵候導

上至拜位贊就位百官亦各就拜位四配十哲分獻官各詣殿陛東西階下兩廡分獻官各詣廡前俱北向立贊迎神樂作樂止贊

上鞠躬拜興拜興平身通贊陪祀官行禮同贊摺圭

上摺圭執事官跪進爵樂作

上受爵獻畢復授執事官爵奠于神位前樂止贊出圭

上出圭四配十哲兩廡分獻官以次詣神位前奠

爵訖仍以次出殿門外東西向立典儀唱送神樂作樂止贊

上鞠躬拜興拜興平身通贊陪祭官行禮同導引官導

上由中道出分獻官以次退若依此儀注則分獻官始終不拜矣

聖上拜陪祭官俱拜獨分獻官始終不拜恐非禮也臣愚以爲分獻官拜位當在殿陛之下列於陪祭官之前贊迎神

上在殿陛上拜分獻官陪祭官俱在殿陛下列

上獻爵畢分獻官以次詣神位前奠爵訖復退于殿陛下原拜位立定贊送神

上拜分獻官陪祭官俱拜似爲近禮臣讀禮記文王世子篇有曰凡學春官釋奠于其先師秋冬亦如之此言春官之釋奠主於行禮非報功也故無幣文曰凡始立學者必釋奠于先聖先師及行事必以幣此言立學事重故釋奠必以幣今

皇上嗣登大寶初幸太學卽所謂始立學也臣愚以爲釋奠當用幣爵亦當三獻今儀注內無獻

幣之禮是行春官釋奠之禮非始立學釋奠之禮也似爲未安或以爲舊儀注如此臣以爲舊儀注是當從之或有差誤亦當更之以求合乎宜似不可以訛承訛也如蒙乞下臣言于禮官會同翰林院官議之然後行事則

聖明幸學釋奠之禮庶幾合乎宜而可傳之於後矣臣向奉

聖旨事有當言的盡心來說欽此臣偶有所見不敢不言言之當與不當有不逞計也具題奉聖旨禮部看了來說欽此

會議奠禮奏本

禮部等衙門太子少保尚書等官臣周洪謨等
謹題爲禮儀事禮科抄出太子太保吏部尚書
王恕奏臣昨見禮部行來

皇上幸太學儀注內開釋奠先師孔子迎神

皇上兩拜陪祀官亦兩拜分獻官却各詣大成殿
陛東西階下向北立不拜送神

皇上兩拜陪祀官亦兩拜分獻官却出殿門外東
西向立亦不拜臣以爲

皇上拜陪祀官亦拜獨分獻官不拜恐非禮也臣

又見禮記有曰凡始立學者必釋奠於先聖先
師及行事必以幣註云行事謂行釋奠之事必
以幣必奠幣爲禮也言始立學而行釋奠之禮
則用幣四時常奠不用幣也今釋奠儀注止開
獻一爵而不奠幣故臣以爲釋奠當奠幣爵亦
當三獻乞下禮官會議該禮部議奏奉

聖旨分獻官拜禮准行其餘只照舊欽此且臣言
用幣者是據禮經而言非無稽之言也或以爲
天子視學不爲祀先師孔子只可行釋奠禮不
必用幣爵亦不必三獻臣又以爲我朝

列聖卽位各止耕籍田一次幸太學一次若於禮式少有未備後欲更定而行之不可復得雖與天下必尊爲

陛下言之因見日期促近已有成命不敢復言心實不安今旣阻雨另行擇日行事臣若不言是爲自欺非忠也夫釋奠之禮旣用牲用樂而獨不用幣旣行分獻禮而於先師孔子前止獻一爵豈非缺典又且差官取孔顏孟三氏子孫前來使之觀禮

賜紵絲衣每人一套又賜宴又賜國子監祭酒司業紵絲羅衣各一套學官三十餘員每人紵絲衣一套又賜在廷大臣宴于

奉天門所費頗多何獨於先師孔子而吝幣哉若謂此舉只爲幸學不爲祀先師孔子且如耕籍籍田亦只是爲耕籍田非爲祀先農也如何祀先農奠幣行三獻禮而獨於幸太學釋奠之禮不然况祀先農行各衙門官齋戒太常寺光祿寺又奏省牲而釋奠之禮旣不齋戒又不奏省牲何其詳略之不一如此蓋未之思也臣竊惟皇上卽位勸農勸學之禮止行一次而不至再至

三者惟耕籍田幸太學二事而已其禮皆當從厚不可有所偏重以貽後之悔昔太宗皇帝將幸太學命禮部詳議禮儀尚書鄭賜言宋制謁孔子服靴袍再拜太宗皇帝曰見先師禮不可簡必服皮弁行四拜禮其事在諸五倫書人以爲太宗皇帝尊師重道之意超越宋之諸君遠矣今陛下釋奠先師體此祀先農之禮而行之似不爲過異日載諸史冊傳之千萬世豈不爲盛美之事哉如蒙乞

勅禮部集議明白奏請定奪而行之以成萬世不刊之典不勝幸甚若臣言妄誕其顯戮煩言如此塵瀆

聖聽豈勝惶怖之至等因具奏奉

聖旨這本禮部便會詹事府國子監翰林院春坊官詳議來說欽此臣等謹按禮記凡學春官釋奠于其先師註云釋奠者但奠置所祭之物而已無食飲酬酢等事以其主於行禮非報功也又云凡始立學者必釋奠于先聖先師及行事必以幣註云諸侯初受封天子命之教於是立

關里詩 卷之二十一
學行釋奠之事必奠幣爲禮也又云凡釋奠者必有合也有國故則否註云凡行釋奠之禮必有合樂之事若國有凶喪之故則不合樂也又云太學始教皮弁祭菜示敬道也註云學者入學之初有司衣皮弁之服祭先師以蘋藻之菜示之以尊敬道藝也蓋古者見師之禮以菜爲摯故始入學者必釋菜以禮其先師而學官四時之祭乃皆釋奠釋奠釋菜皆祭之略者也故以行禮而行釋奠則無幣差厚於釋菜之意卽今

天子幸學所行是也以報功而行釋奠則有幣卽今二下所行是也三代之禮無所於考漢祀孔子未行釋奠唐制天子北而跪祭周廣順二年車駕幸曲阜始拜奠祠前宋大中祥符元年幸曲阜謁文宣王廟始靴袍再拜迨至我朝太宗皇帝幸學躬行一奠四拜之禮尊師重道蔭以加矣

列聖相承率循無改至成化元年始加牲用樂雖極尊崇之意然旣非釋奠之正又非釋奠之全卒致紛紛實由於此此則所謂有其舉之莫之

敢廢者矣今王恕所言欲行奠帛三獻之禮須
讀祝飲福受胙始爲全備原無舊典其欲比依
先農之祀又係

大明集禮所載洪武舊制難以擅改合無於

聖駕幸學之前致齋一日至期加帛一段樂設而
不作餘仍其舊庶免紛更緣節該奉

欽依禮部便會官詳議來說事理未敢擅便等因
具題奉

聖旨是尊先師當以禮旣成化初年有所舉只孔
子前加幣用太牢改分獻爲分奠其餘儀物俱

照永樂年例行欽此

弘治元年三月初五日

請加樂題本

太常寺卿崔志瑞

天子之樂該用樂器人數七十二名先師孔子原
舊樂生四十六各同

天子之樂該添樂生二十六各等因到司案呈到
部看得禮備樂全誠爲盛世之典况舞佾旣增
樂亦須稱合行太常寺將先師孔子祭祀合用
樂器人數照數增益其樂器如有缺少合行該

衙門置造及通行天下照例施行弘治九年二月初二日該本部尚書倪岳等於奉天門題奉

聖旨是欽此

請修廟題本

山東巡撫都御史何鑑題爲火災事據兗州府備曲阜縣申弘治十二年六月十六日夜子時雷雨交作火從宣聖家廟東北角上起延燒家廟五間齋廳五間東廡二十八間及寢殿七間二世祖孔經廟三間三世祖子思廟三間西廡

二十八間欽門五間植榆一株

太祖高皇帝詔旨碑文并樓

太宗文皇帝御製碑文并樓遂延燒大成殿七間東便門六間西便門六間大成殿東小便門三間西小便門三間寢殿東西兩便門共六間啓聖殿五間毓聖侯廟三間風消雨止火方救息通計燒毀殿廡等房一百二十三間緣係修建事理未敢擅便等因具題奉

聖旨該衙門知道欽此

弘治十二年七月

請修廟題本

浙江道監察御史余濂題竊惟天下不能一日無孔子之道人心不能一日無孔子之教君臣之所以君臣父子之所以父子夫婦昆弟朋友之所以夫婦昆弟朋友舍是道是教固不能以一日立焉者也其扶世之功直與天地而同流故報功之典歷古今而一致矣先儒曰仲尼以萬世爲士其不信也夫漢之高帝過魯之祀見於兵戈倥偬之日識者謂其與漢之精神命脉全在於此宋之神宗按王安石之新經爲國是

廢格春秋而繼代有金

是世道之

隆汗顧所以崇乎正道者何如耳洪惟

祖宗繼天立極重道右文自

國都以及府州縣咸立學以闡其教立廟以隆其祀所以釀成雍熙泰和之治者百三十年于茲矣近者不意回祿之災及我孔廟殿宇門廡與夫碑刻之類蕩然一空正道之厄莫甚於此可爲痛哭可爲流涕而長太息者又不足言矣但廷臣未聞有所請之辭而

陛下未聞降矜恤之典是

君臣上下恬然於先聖之災也續該龍封衍聖公
孔弘泰具奏臣竊以爲

陛下必遣官慰祭必發帑賑貸必料理財物以蓋
造廟宇不肯緩者而欽奉

聖旨該衙門知道欽此愚臣之所未喻也昔者廐
焚子退朝曰傷人乎夫一廐之焚孔子尚拳拳
於傷人之問况今者災延孔廟在天之靈蔑以
棲托寧不有厯

九重之慮哉釋今不爲之計則廢一時之祀矣若
遷延以至來歲又將廢因時之祭示崇德報功

之意固不至此但臣一得之愚日暮之頃實有
所豫望也伏乞

陛下卽

勅該部與之經理早爲完造以安神靈以慰人心
等因題奉

聖旨該衙門看了來說欽此

禮部覆本

太子少保禮部尚書徐瓊等題臣等切惟孔子
之廟闕斯文之運今孔廟之災當雷雨大作之
時實天道之變也聖人在天之靈必有所不安

宜當從容修造况燒毀房屋間座數多山東地方連年工役不息

衡府甫完

涇府又在用工之際若欲即便蓋造則非惟材力不及亦非所以警天災之意本部欲行巡撫山東都察院右副都御史何鑑親詣被災處所相計該造殿宇廊廡碑亭等項房屋定擬間庭規模將合用木植甃石灰瓦等件并匠役人夫通行計筭明白具奏候材料措置將有次第然後奏請擇日興工則事不致於欲速工亦易於

就緒仍行孔氏子孫痛加修省以警天戒以回天意緣係處置修建廟宇材物及奉

欽依該衙門看了來說并該衙門知道事理未敢擅便本部尚書徐瓊等題奉

聖旨是欽此

弘治十二年七月二十五日

落成題本

山東巡撫都御史徐源題為恤災異以崇正道事據山東按察司呈准本司提督修建闕里廟庭僉事黃繡關案照先准本司關抄蒙

欽差巡撫山東地方都察院右副都御史徐源巡
按山東監察御史高崇熙案驗俱爲前事備行
布按二司照依本部等衙門題奉

欽依內事理各委堂上官一員管理修蓋不許別
項差占其合用委官人等聽憑選委務要嚴加
比併禁革奸弊不許妄費錢糧中間若有銀官
匠作人等詭名包攬夫匠及冒破物料價值通
同侵欺等項情弊應拏問者就使拏問應參奏
者明白呈來施行工完之日布政司通將支用
過銀兩物料夫匠數目造冊繳報查考等因依

蒙呈委左叅議程愈愈事李宗泗專一提督修
建管理間程愈因病身故李宗泗陞任去訖弘
治十五年四月十九日准本司關蒙

欽差巡撫山東地方都察院右副都御史徐源批
據本司呈爲除授官員事備行本職接管專一
提督修建依蒙親詣工所督并委官曹州同知
魏宗舜等嚴督匠作人等照依原擬規制間數
大成殿九間寢殿七間俱兩簷大成門家廟啓
聖殿金絲詩禮堂各五間兩廡連廊共一百間
啓聖寢殿三間神廚二十四間庫房九間碑亭

二座衍聖公齋宿房十二間逐一修建完備財
用有餘物料充足官私竭力工藝盡巧堅美雄
壯視昔有加及照奎文舊閣梁柱短小規摹不
稱呈明本院亦已造完七間三簷堅固闕敞堪
以儲蓄經籍再照廟傍原有毓粹觀德二門以
通出入緣逼近廟臺街路短促不稱趨謁今於
前門少北各建東西門一座三間扁曰快觀仰
高謁廟入門者仰觀深遠又前門并二門原止
三間今改建大門大中門各五間與廟宇前後
掩映相稱橋梁皆級煥然鼎新杏壇碑額亦加

彩繪俱完除將支用銀兩物料役過夫匠數目
另行布政司造冊繳報外今將修完前項工程
合關本司煩爲呈達等因轉呈到臣案照先准
工部咨該巡撫山東右副都御史何鑑題准本
部咨該本部題准備會同

欽差太常寺少卿兼翰林院侍讀學士李傑布按
二司掌印官并提學副使守巡等官左布政使
王沂等相計該造孔廟殿宇廊廡碑亭等項房
屋定擬間座規模合用木植甃石灰瓦等料并
匠役人夫通計約用料價工食等項銀兩共該

關里誌 卷之二十一
一十五萬二千六百餘兩要將荊州蕪湖杭州各抽分廠木植江西九江蘇州許墅并臨清鈔關船料錢鈔及山東起運夏稅折鈔戶口食鹽并各司府在庫無礙錢糧俱可存撥修蓋等因該本部等衙門依擬覆奏備咨轉行山東布政司委官前去九江臨清許墅蕪湖荊州杭州江西福建廣東等處鈔關抽分官庫守取陸續支買木植軋灰等料以備應用及行山東巡撫巡按於布按二司各選委堂上的當官專一管理務在委用得人計處周密巡撫巡按時加嚴督

比較所委官員不詳別項差占及妄費錢糧限三年完備若視爲泛常苟延歲月以致下人作弊及虛費工料聽巡撫巡按官察奏究治工完之日通將支用過銀兩物料工匠數目布政司備細造冊奏繳等因題奉

欽依移咨前來已經通行委官提督管理修建去後續准本司咨前事該本院巡撫右副都御史王儼巡按山東監察御史高崇熙各題稱要將原差來蓋造

涇王府第工部郎中陳綬修府工畢前去曲阜縣

住坐專一提督修建孔廟工完回京之日聽該部論功奏

請量加陞擢等因續該本部咨稱郎中陳綬蓋造王府將完欲照原題事理請

勅順齋本官前來行事議擬題奉

欽依移咨到臣督據委官僉事李宗泗等呈稱先將買到木料於各府精選匠作興工已將啓聖王殿先聖家廟寢廟造完擇日豎立訖及正殿先次採到石柱預行直隸徽州府選取彼處高手工斲削鑿鑿雲花十分精緻其正殿木作

梁柱琉璃斗拱一百二十座通已工完處置惟候擇日豎柱上梁續該郎中陳綬丁憂未到臣會同巡按山東監察御史劉芳議得孔廟工程見今營造僉事李宗泗等提督管理稍加歲月足了其事不必再行差官以費供給該部議得合無將郎中陳綬及

內府官匠俱令回京原奉

勅書進繳仍行臣等嚴督原委布按二司官照依多官會議事理如法蓋造完報題奉

欽依備咨前來又經通行原委僉事李宗泗等督

闕里詩
造後爲照各官陸續陞任去訖續該坐委本官
專一在彼管理修建完報去後近該臣等親詣
闕里看得僉事黃繡修蓋大成殿啓聖廟家廟
一正寢殿并兩廡先賢塑像神牌金絲詩禮堂宰
牲神庫神厨齋居奎文閣大門中門左右門下
至街道坊牌無不完整規模壯麗工藝精緻比
昔迥異足稱瞻仰今呈前因會同巡按山東監
察御史陳璘議得先師孔子道冠古今垂憲萬
世廟宇之災雖一時之屯厄恭逢
皇上御極崇儒重道褒德報功鼎新修建起萬世

之觀瞻今工旣落成伏乞

御製宸章勒之堅珉以紀一代成功之盛更

命館閣儒臣捧

勅祭告以妥一聖衆賢之靈庶道德光輝宣著同
天地悠久高明再照闕里斯文宗主之地凡內
外百辟群工孰不頌六經之遺訓沐浴泗之餘
波今次修建廟庭上承

朝廷欽恤之意下受撫按督委之勤計用周密克
効成功皆先陞副使李宗泗經營布始見任僉
事黃繡調度巧述早作晏息不避寒暑之勞雖

關里誌
臣子後學職分當然但身先多士功亦可嘉所
據各官亦乞量加陞擢以旌其能但

恩典俱出自

朝廷非臣等所敢擅擬除將委官匠作人等先行
所司備買花紅酒禮量加犒勞并行布政司將
支用過銀兩物料夫匠數目造冊徑自奏繳外
緣係修建孔廟落成以崇正道事理未敢擅便
行間續該巡按山東監察御史陳璘亦題前事
俱奉

聖旨該部知道欽此

弘治十七年

禮部覆本

禮部尚書張昇等題前事本部已經會議題准
通行修蓋去後今該前因案呈到部看得

命官祭告陞擢官員係隸吏禮二部掌行合行移
咨貴部煩照各官題奉

欽依內事理徑自查照羅奏施行等因移咨送司
案呈到部切照巡撫都御史徐源巡按御史陳
璘等題稱孔廟落成乞要

御製宸章勒之堅珉及

命館閣儒臣捧

勅祭告一節臣等看得闕里孔廟自古尊崇歷代
修建其創造廟宇嚴設聖像不知幾千百年矣
一旦盡空而有待於盛世之重新仰荷

皇上崇重聖道卽

命修蓋大出帑藏之資積餘四年之久然後厥工
告成雖仍舊址實乃重建輪奐鼎新壯麗堅緻
倍蓰往昔非尋常修蓋之可倫也仰惟我
朝每歲春秋二丁於在京孔廟猶傳

制特遣內閣大臣祭祀况東魯闕里華夷欽仰茲

孔廟新成又天下觀望所繫曠數百年希有之
事理當異其禮儀極其崇重以爲一代之盛典
垂萬世之成規今都御史徐源等所言誠知所
重會無允其所請比照在京孔廟時祭事例仍
請

勅一道命文職大臣一員前往祭告行移翰林院
撰

御製碑文并祝文太常寺關領香帛仍行本布政
司轉屬支給官錢買辦祭物至期致祭兵部應
付船隻并扛臺人夫等項所據遣文職大臣捧

勅祭告伏乞

聖裁本部未敢擅便本年二月十三日題次日奉
聖旨是遣尚書李東陽祭告欽此欽遵擇日傳
制齋戒等項又該本部題奉

欽依是着欽天監擇日來看欽此

請書刻 御製碑題本

太子太保戶部尚書兼

謹身殿大學士李東陽題爲公務事先該巡撫
山東都察院左副都御史徐源等奏關里孔子
廟修建落成續該禮部題乞

御製碑文及遣官祭告等因奉

聖旨是遣尚書李東陽祭告欽此除欽遵外臣竊
惟修建孔廟

朝廷重事而

御製碑文及遣祭祝文尤

陛下隆師重道之盛心是宜刻之金石以昭示萬
世但本廟僻在一方恐無善寫楷書之人不能
揚厲

宸章有孤

恩典臣奉將

使命事體相關乞令制勅房中書舍人喬宗齋
捧前項

御製文字往彼書寫上石仍乞帶領工部文思院
副使閻傑就彼鑄刻事畢之日卽令回京該部
通行照例應付廩給脚力便益等因奉
聖旨都準他該衙門知道欽此

弘治十七年閏四月初二日

工部覆本

工部尚書曾鑑等題前事除
御製宸章以紀成功更

命館閣捧

勅祭告各行禮部施行外及行准吏部咨稱查得
有功官員事例俱係原行衙門議擬應否陞賞
奏請明白至日備行本部覆奏定奪等因送司
案查先爲前事本部已經會議題准通行修蓋
去後今該前因案呈到部臣等看得巡撫山東
都御史等官徐源等會議奏稱修建孔廟工完
原委官先陞副使李宗泗見任僉事黃繡身先
多士功亦可嘉亦乞量加陞擢以旌其能一節
固爲激勸勤能之舉但

恩典出自

朝廷臣等擅難別議伏乞

聖明裁處緣係恤災異以崇正道及奉

欽依該部知道事理未敢擅便等因具題奉

聖旨徐源賞銀十兩紵絲一表裏李宗泗黃繡各

紵絲一表裏欽此

弘治十七年七月二十六日

修廟成謝賜金帛本

山東巡撫都御史徐源奏爲謝

恩事准工部咨爲恤災異以崇正道事先該臣題

據山東按察司呈准本司提督修建關里廟庭

僉事黃繡關稱提督修建孔廟工程落成備關

轉呈前來已經會題去後續該本部議擬題奉

聖旨徐源賞銀十兩紵絲一表裏李宗泗黃繡各

紵絲一表裏欽此備咨到臣除欽遵轉行各官

知會外弘治十七年十一月初七日該齣封衍

聖公府典籍孫世忠齎捧

欽賜花銀十兩大紅織金獬豸紵絲一表裏

賜臣收領者當日除率同僉事黃繡望闕謝

恩外臣切惟 宣聖廟庭數雖遭於回祿道自貫

平日星

皇上詔令工既訖于鼎新德實同乎天地既遣內閣儒臣捧

勅祭告異數特光於道統復賜

御製宸章命工琢刻雄篇卓冠乎魯邦臣叨領地方職名兼戴於穹碑何期望外金帛並頒於內帑花銀燦爛玉潔珠光製爲祭器子孫保守以傳家文綺輝煌

君恩聖澤裁作命袍身心佩服而報本臣不勝感戴

天恩之至爲此具本專差驛丞張俊親齎馳謝謹具奏

聞

齎封衍聖公乞免分奠奏本

禮部題爲禮儀事奉本部送准齎封衍聖公孔聞韶咨照得正德元年三月初四日恭遇

聖駕臨幸太學先於本年正月二十一日該禮部題奉

欽依差本部主事張潛前到關里行取本爵并三氏子孫赴京觀禮續又題奉

欽點本爵姓名分奠廟庭除已到京朝

見外切思本爵見有父喪甫過大祥未除禫服柰緣

君命至嚴祖廟事重倉皇就道龜勉趨

朝雖不敢以卑而廢尊亦不敢冒哀以從吉中心展轉實不自安今迫近祭祀日期係奉

欽點名數若不另行奏

請恐致臨期誤事未便等因備咨送司案查先該

本部題恭惟

皇上正德元年三月初四日幸學釋奠

先師孔子該用分奠官員開坐請

旨點遣八員前去行禮正德元年二月十二日具

題次日奉

聖旨是有點的八員行禮欽此欽遵已經通行去

後今該前因案皇到部照得該封衍聖公孔聞

韶已奉

欽點數內官員今稱大祥甫過未除禫服欲乞另

行奏

請照得孔聞韶等

欽取到京觀禮人數但以禫服未除不敢預分奠

之數似亦有理合無准其辭免祇從陪拜觀禮等項緣係禮儀事理未敢擅便謹題奉

聖旨是欽此

正德元年二月二十四日

禮部覆本

禮部題爲禮儀事儀制清吏司案呈奉本部送准齎封衍聖公孔聞韶咨照得正德元年三月初四日恭遇

聖駕臨幸太學先於本年正月二十一日該禮部題奉

欽依行取本爵并三氏子孫赴京觀禮續又題奉

欽點本爵姓名分奠廟庭除已到京朝

見外切思本爵見有父喪甫過大祥未除禫服不

可冒哀從吉今迫近祭祀日期係奉

欽點名數若不另行奏

請恐致臨期誤事未便等因備咨送司案呈到部

照得齎封衍聖公孔聞韶等

欽取到京觀禮人數但以禫服未除不敢預分奠之數似亦有理合無准其辭免祇從陪拜觀禮等因具題奉

聖旨是欽此欽遵案呈到部看得嚴封衍聖公孔
聞韶既已奉有

欽依准其辭免分奠理合改差今將應該分奠官
員開坐請

旨點遣一員前去行禮緣係禮儀未敢擅便謹題
奉

聖旨着梁儲行禮欽此

正德元年二月二十七日

請移縣築城奏本

山東按察司分巡東兗道僉事潘珍去正德七

年正月初七日響馬強賊約有一千餘騎自鄒

縣地方流來兗州府東關外劉營統攻東門臣

督率府衛兵快市民人等極力防守追捕間前

賊突至曲阜縣將公廨并四街官民房屋燒毀

二百餘間殺傷民人擄掠婦女當夜到於孔廟

駐劄次口往東北泗水縣去訖臣照得

宣聖廟在兗府東北二十里之外地方曠野原無

城廓節次流賊往來在彼作踐所幸廟貌無虞

近雖撥有靖海衛存操官軍四百員名看守但

賊勢衆大官軍數少賊至則聞風奔散賊退則

在彼偷閑徒爾糜費月糧於事分毫無益况曲阜縣去廟不滿十里今該縣廳堂并城中居民房屋又皆被賊燒毀十無一二合無乞

勅該部議處趁此縣治殘毀之餘廟貌猶存之際將曲阜縣治移徙廟傍周圍量築城池以備防守如此庶廟貌縣治俱可以永保無憂矣等因正德七年正月十八日奏奉

聖旨該部看了來說欽此

戶部覆本

戶部尚書孫交等題山東清吏司案呈奉本部

送准巡撫山東地方都察院右僉都御史趙瓊咨據山東布政司呈准本司右布政使秦金會同按察使吳學該道分守左叅政張宦分巡僉事盛儀議得

孔廟建在闕里之區縣治坐於曲阜之地相沿何止百年隔越不過數里茲當賊盜殘毀之餘亟爲

聖靈保護之計廟必恃城而可存理所當築縣必待人而可守勢所當遷會呈到院會同巡按山東監察御史李璣議得

關里廟庭先年工料所費委果不貲緣在曠野
必須建築一城方可保固曲阜縣治數年盜賊
所殘委果不堪緣近

關里必須移併一城方可居守等因咨部送司
案查先爲計處地方賊情事該山東按察司分
巡東兗道僉事潘珍奏稱要將曲阜縣移徙
宣聖廟傍周圍築城以備防守一節爲照縣治
毀而復修

關里資以兼守事非得已理若當然一舉兩得
不爲無見該本部議行撫按官員公同布按二
司掌印守巡等官將本官奏內事情從長計議
停當徑自奏

請定奪等因覆題節該奉

聖旨是縣治着議處停當來說欽此欽遵又爲徙
縣治慎城守以崇聖道事該山東紀功給事中
柴奇監察御史具堂會題奉

聖旨該部知道欽此又經備行巡撫巡按衙門作
急查議會奏去後今該前因案呈到部看得既
該巡撫巡按官員公同布按二司掌印守巡等
官勘議明白相應遷移別難議處合無依其所

議將曲阜縣治移就

關里廟庭一處伏乞

聖裁緣係遷移縣治事理未敢擅便正德八年六月初一日具題初三日奉

聖旨是准議欽此

工部覆本

工部尚書李璡等題臣等看得巡撫都御史趙璜巡按御史李璣各題稱會議得兗州府曲阜縣相應改移附近

關里併築城垣一座剏造縣堂公廨儒學城門

樓鋪等項估計合用人夫一萬名工料價銀三萬五千八百六十餘兩欲將修築黃河隄防坐派夫役并夫價內支用如有不敷司府官員議處委官刻期成功一節係于崇重聖道保障關里思患預防誠宜先事計處又該戶部議擬縣治相應移併題奉

欽依准議所據興工年月并工料地基一應事宜相應計處合無本部仍行巡撫都御史趙璜會同巡按御史李璣督布按二司掌印并分守分巡官員再行從長議處待修河工程了畢及秋

承收成之後延訪本省諳曉風水地理人員逐一相度地形吉凶年月方向如無妨碍就將合用錢糧或於各衙門贖罰內取給或於泰山香錢內支用或勸募義士富家相資多方區畫足用度其該用夫匠亦要隨宜起倩輪流役使毋妨生業其城基占用民田於相應官民地畝內照數給撥耕種辦納糧差毋致失所逐一議處停當徑自具

奏定奪如此庶有備無患而大功可舉矣緣係計處地方賊情改築城池及節奉

欽依工部看了來說該部知道事理未敢擅便正

德八年六月十四日具題十六日奉

聖旨是欽此

少保兼太子太保禮部尚書臣席書謹

題爲陳情再乞

天恩遵比舊例優免供給人丁事祠祭清吏司案呈奉本部送禮科抄出山東兗州府濟寧等州一曲阜等縣南城崇聖等籍仲穩等奏切照臣等

宣聖廟樂舞生身役自洪武七年十一月十一

日奉禮部咨填

內府湯字三十二號勘合爲釋奠事內開

宣聖廟四時祭祀合用樂舞生於府州縣儒學
一 生員內遴選或於民間俊秀子弟內選用備行
一 准取到濟寧曲阜等州縣樂舞生張濤陳慶等
一百二十餘名內將二十名起送太常寺協律
郎處習演樂舞生熟間蒙

欽賜寶鈔回還常川在廟應充前後俱照廩膳生
員事例除本身優免供給人二丁專一習演樂
舞聽候四時致祭至成化十二年間該國子監

祭酒周洪謨見得大成樂章不能全設奏爲增

加文廟禮樂事奉

聖旨尊崇孔子是朝廷盛曲惟他奏增樂舞爲八
佾加籩豆爲十二增添樂舞生李整等八十名
通行天下諸司衙門知道欽此除欽遵外至弘
治九年間又該太常寺卿崔志端奏爲陳言時
政事奉

聖旨是准令添樂舞生二十六名俱照前例優免
其間老故准令各生家下弟姪兒男代替如無
相應照例取補原額之數以備應祭欽此至正

德六年間各該州縣里書求索不遂將樂舞生供給人丁革去一槩科派重差累極未便正德十三年九月十一日該樂舞生楊嵩等奏爲陳情懇乞

天恩遵照舊例優免雜差事奉

聖旨是准照舊優免欽此除欽遵外禮部咨行都察院轉行山東撫按等衙門遵照舊例仍前優免造冊繳部又行給與各生印信帖文存照至嘉靖三年遇例審編均徭比被各該里書圖利不遂將冊內樂舞生供給人丁字樣開去一槩

編派大戶馬頭快手等項重差見今負累不前臣等因無供給每遇大祭艱苦萬狀情實不堪難以應役以致

宣聖廟庭四時大祭大成樂章不能全設伏望

皇上垂念

累朝頒降盛典乞

勅禮部轉行撫按衙門仍行司府州縣將臣等原設供給人丁科派前項重差遵照舊例照前優免庶不有孤

聖朝崇重之盛典臣等戰慄不勝感戴

天恩之至等因奏奉

聖旨禮部知道欽此欽遵抄出送司案查正德十三年十月內該山東兗州府濟寧州曲阜縣民楊嵩等奏稱臣等見應

宣聖廟樂舞生身後舊例優免戶下人二丁專一供給今照各該官員陞轉不一遵違有間將供給人丁一槩革去編作雜泛差役乞要照前優免等因該本部覆題奉

武宗皇帝聖旨是准照例優免欽此已經備咨都察院轉行山東撫按衙門行令司府州縣將各生戶內供給人二丁雜泛差役照前優免去後今該前因案呈到部看得山東曲阜等縣崇聖等籍仲穩等奏稱臣等各克

宣聖廟樂舞生身役自洪武年來舊例除本身優免各生戶內供給人二丁雜泛差役後節蒙禮部明文照舊優免造冊繳部給有印信帖文今遇例審編均徭致被一槩編派大戶馬頭等項重差負累不前難以應役乞要遵照舊例仍前優免一節爲照崇重先師乃

國家盛典既有前項舊例相應遵照舉行合無
候

命下之日移咨都察院轉行彼處撫按衙門行令
司府州縣查照先年樂舞生楊嵩等奏

准事例如果是實即將各生戶內供給人二丁雜
泛差役照依舊例優免仍各給帖執照各該官
吏務要照舊遵行毋致再來奏擾不便緣係陳
情再乞

天恩遵比舊例優免供給人丁及奉

欽依禮部知道事理未敢擅便嘉靖五年九月十

九日少保兼太子太保本部尚書席書等具題

二十一日奉

聖旨是欽此欽遵擬合就行為此合咨前去煩照

本部題奉

欽依內事理欽遵轉行山東撫按衙門一體欽遵

施行瀆至咨者

孔子六十二代孫龔封衍聖公臣孔聞韶謹

奏為乞

恩修理

欽賜宅第以便居處事伏念臣自父祖以來荷蒙

累朝厚恩不能殫述仰惟

賜宅一事初在於東城後改於中城地方俱因狹小又改

賜今宅坐落小時雍坊之北臣恭遇

萬壽聖節赴京慶

賀卽在本宅住居但歷年既久木植牆壁俱各損壞以致房屋滲漏風雨不蔽去歲臣嘗自行修蓋中房三間所有門房餘房一應牆壁之類臣寔力不能給若不及時修理誠恐寢以廢墜將無以昭

盛世重道之鴻庥亦且有孤

列聖崇德之大典伏望

皇上勅下工部量加修理使臣赴京有所依庇則如天之恩加重於

先朝向日之誠益切於沒齒矣爲此具本親齎謹具奏

聞伏候

勅旨

本月十五日奉

聖旨工部看了來說

工部

題爲乞

恩修理

欽賜宅第以便居處事營繕清吏司案呈奉本部
送據營繕所申所丞湯傑作頭白銳等相估得
衍聖公宅第應修房牆合用木料開申送司案
查先該

孔子六十二代孫龔封衍聖公孔聞韶

奏稱宅第房牆損壞滲漏乞要量加修理該本
部議擬委官帶領官作親詣相看如果損漏估

計工料本部措辦修理奉

聖旨是欽此已行欽遵去後今申前因案呈到部
臣等看得衍聖公宅第房牆旣稱損漏相應修
理合用蘇麻等料於本部收有內放支其於木
料并各色人匠工食動支前項官銀買辦顧覓
卽行委官湯傑督同匠作照依原宅修理刻期
完報務在堅固不許虛費冒估之弊舉治施行
緣係動支官庫修理宅第及奉
欽依事理未敢擅便開坐謹題請

旨

本月初五日奉

聖旨是依擬修理

禮部題爲議

幸學以興教化全文治事先該本部題奉

欽依嘉靖十二年三月十三日

聖駕臨幸太學釋奠

先師所有孔顏孟三氏子孫例該行取赴京至
期迎接

聖駕陪祀行禮照得衍聖公孔瓘韶及翰林院五
經博士顏從祖孟公肇合無本部差官馳驛前

去行取及另取孔氏老成族人五人顏孟族人
各二人仍照例一同馳驛前來供事嘉靖十一
年十二月十二日太子太保本部尚書兼翰林
院學士夏言等具題十四日奉
聖旨是



六十二代衛太夫人喪葬 恤典謝 恩奉本
襲封衍聖公臣孔尚賢謹
奏為遵例懇乞
天恩准容守制事竊照臣世受
皇朝厚恩官膺公爵秩列文班每年恭遇
萬壽聖節例應親齋
表文躬率顏孟二氏博士赴京朝賀 冬至
正旦令節恭具
表文差官齋
進一向恪守無違查得前代自祖父以來凡有

六十二代衛太夫人喪葬 恤典謝 恩奉本

襲封衍聖公臣孔尚賢謹

奏為遵例懇乞

天恩准容守制事竊照臣世受

皇朝厚恩官膺公爵秩列文班每年恭遇

萬壽聖節例應親齋

表文躬率顏孟二氏博士赴京朝賀 冬至

正旦令節恭具

表文差官齋

進一向恪守無違查得前代自祖父以來凡有

父母之喪遵照舊例居守制及查嘉靖三十五年間臣父孔貞幹在京病故該臣具本

奏行禮部覆議相應容令回籍照舊守制及以後
恭遇

聖節暫免赴京慶賀其進貢

表文馬匹并冬年等節

表文通候制滿之日俱各遵照

舊典舉行等因題奉

欽依備行欽遵外今照臣祖母衛氏不幸患病於
萬曆二年七月初七日身故緣臣父母早亡臣

係嫡長孫禮應承重守制謹合奏

請乞

勅禮部查議容臣照例在家守制治喪以盡孝情
其後恭遇

萬壽聖節朝賀并冬年等節

表文應否仍照前例通候制滿之日遵照

舊典舉行一併題覆行臣遵守臣無任啣哀祈懇
之至緣係遵例懇乞

天恩准容守制事理未敢擅便為此具本專差家
人劉天祿親齎奏

關里前

卷之三

三

聞伏候

勅旨

萬曆三年七月 日

襲封衍聖公臣孔尚賢謹

奏爲懇乞

天恩賜給祭葬以光泉壤事仰惟

聖朝推原崇禮臣祖

先師孔子

恩及後裔自祖父以來不時生荷爵

寵之榮而歿後俱蒙

優賜祭葬主于母妻亦應

卹典是皆昭

聖明重道之仁于以風勸宇內而臣世代啣感

聖恩與

天地同其高厚捐糜莫報于萬一也伏念臣祖母

衛氏係已故宣城伯衛璋之女於正德八年禮

嫁臣祖孔聞韶爲繼室嘉靖十九年請蒙

誥命封爲夫人鞠生臣父孔貞幹臣祖孔聞韶於

嘉靖二十五年間病故臣父孔貞幹襲爵不十

餘年旋亦病亡臣時方幼祖母撫育保護恩勤

脩至家祀不墜系賴實多隆慶六年遇蒙

恩詔比臣援引乞

請得荷

加封太夫人感

恩逾涯增光宗胤乃因哀病沉綿不幸於萬曆二

年七月初七日病故切思

聖朝優臣胤裔益為臣祖廟祀計則祖母於臣保

育之勞不但恩臣實有功於祀祀也痛思愚昧

莫効涓酬伏查以前曾祖母袁氏江氏祖母李

氏母張氏等俱有

恩卹事例臣敢昧死哀陳瀝血上

請伏望

皇上憫臣苦戚至情

推念先聖之後乞

勅禮部查照先年事例覆議題

請一體

賜給祭葬不惟臣祖母感荷于九泉而臣子子孫

孫皆銘載於萬代矣臣無任懇切仰祈之至緣

係懇乞

天恩賜給祭葬以光泉壤事理未敢擅便為此具

本尊差家人陳策親齋奏

聞伏候

勅旨

萬曆三年七月 日

襲封衍聖公臣孔尚賢謹

奏爲瀝情再乞

天恩俯照典例賜卹以昭

聖澤事近緣臣祖母太夫人衛氏病故該臣具本

援引前代曾祖母表氏等事例

請給祭葬

命下禮部題覆照依一品官妻事例與祭一壇仰

荷

渥恩感激莫措伏念臣自累代祖父以來毫無勞

效止以

聖朝推崇

先師孔子之義

恩與優隆有加無替生歿禮數皆出等夷如

會典開載凡一品官父母受封至一品者祭二壇

妻祭一壇惟衍聖公葬祭照一品禮行此實

聖明昭示重道之仁爲風教勸揚至意故臣祖孔

聞韶為母表氏奏乞蒙

准照前例給祭二壇今臣祖母衛氏繼配臣祖孔

聞韶已封夫人生臣父孔貞幹暨于龔爵則已

為母而臣父早故臣繼襲有年前曾援奉

恩詔奏

准加封太夫人迄今身故臣承重為祖陳乞似非

屬於妻例而與前表氏例同臣荷鞠育恩深痛

無報答而於其身後之典不護乞全辱先墜緒

何以生為此臣所以昧死嚙哀懇切再籲于

宸慈也伏望

皇上憐臣哀苦之情推念先師之後乞

勅禮部再加查議俯准照依

會典具載并以前表氏等例加給祭壇以全

恩典則不惟臣祖母泉下啣戢臣及子孫世世感

載而薄海內外皆仰荷

皇上宏仁至德真與

天地同其廣大也臣無任隕越祈懇之至緣係瀝

情再乞

天恩俯照典例賜卹以昭

聖澤事理未敢擅便為此具本專差家人陳策親

關里詩
卷之三
三
齋奏

聞伏候

勅旨

萬曆三年十二月 日

襲封衍聖公臣孔尚賢謹

奏爲恭謝

天恩事近緣臣祖母封太夫人衛氏於萬曆三年
七月內病故該臣援照前代祖母請乞祭葬事

例具本

奏該禮部覆奏

欽依脩行山東布政司遵委本司左叅議周舜岳
於萬曆四年正月初五日前來臣家依奉

諭祭行禮臣舉家感戴闔族光榮當卽焚香望

闕叩頭謝

恩隨於本月十二日扶柩前往祖林開壙合葬訖

伏念臣世受

國恩無能報答乃茲又蒙

皇上推念

先師之義澤及枯朽光貴泉幽不惟臣感効損糜
而子孫世世啣戢於無已也緣臣已經奏

關里誌 卷之三十一
准在家守制不能躬赴

關廷陳謝爲此具本專差家人劉天祿親齎謹具
奏

謝以

聞

萬曆四年正月 日

六十四代襲封衍聖公孔尙賢喪葬 恤典

奏本

天啟元年十一月二十五日

孔子六十五代孫翰林院世襲五經博士臣孔胤

植謹

奏爲病故大臣事臣繼父襲封衍聖公孔尙賢年

八十一歲夙嬰老病階危遣家人馳報原籍臣

隨星夜奔京延醫調治不痊于本年十一月二

十五日病故切思臣父係一品大臣例應

奏報伏乞

勅下禮部查例覆

請一面容臣昇喪回籍臣不勝激切待

命之至奉

聖旨禮部知道

天啟元年十二月初四日

孔子六十五代孫翰林院世襲五經博士臣孔胤

植謹

奏為比例懇乞

天恩俯准管理府事以便克襄

大典事竊照臣繼父襲封衍聖公公孔尚賢存日生

有二子長胤椿題授

欽依冠服長子于萬曆四十七年十月內病故次

胤柱襲授翰林院五經博士先于萬曆二十三

年六月內病故俱無嗣思得臣係嫡次枝嫡長

親侄倫序應該承襲將臣取繼到京咨送吏部

題

准襲授翰林院五經博士重理廟祀聽襲公爵今

臣繼父尚賢于本年十一月二十五日病故臣

隨具本

奏報奉

旨下部一面般喪旧籍守制外所有臣府年例恭
遇

萬壽

正旦

冬至等節進貢

表馬慶

賀典禮重天及祖廟春秋等祀并府事印信等
項料理時不可緩查得臣祖衍聖公孔貞幹在
京病故奏蒙

欽准將臣祖五經博士孔貞寧代理府事臣與事

例相同伏乞

勅下禮部查覆將府事容臣管理服滿之日襲爵
臣下情不勝感戴

天恩之至奉

聖旨禮部查例題覆

禮部覆本

天啟二年正月 日

禮部

題爲比例懇乞

天恩俯准管理府事以便克襄

大典事儀制清吏司案呈奉本部送禮科抄出孔子六十五代孫翰林院世襲五經博士孔胤植奏竊照_云等因奉

聖旨禮部查例題覆欽此欽遵抄出到部送司案查嘉靖三十五年八月內衍聖公孔貞幹病故伊子孔尚賢奏乞回籍守制停進

表馬該本部題覆奉

世宗皇帝聖旨是欽此欽遵在卷等因案呈到部看得五經博士孔胤植奏稱係衍聖公孔尚賢繼子乞要回籍守制及服滿襲爵各一節應從

所請其比例管理府事細查孔貞幹原案無存伏乞

聖明裁定

勅下臣部行令本職遵奉施行再查節內事理凡遇

萬壽聖節例該本爵親赴

闕廷朝貢馬匹

冬至

正旦等節差官齋捧

表箋赴京慶

賀今伊既有繼父之喪前項禮儀相應暫免俟制
滿之日遵照舊典舉行緣係比例懇乞

天恩俯准管理府事以便克襄

大典事及奉

欽依禮部查例題覆事理未敢擅便謹題請

旨奉

聖旨是准孔胤植管理府事

天啟元年十一月初十日

孔子六十五代孫翰林院世襲五經博士臣孔胤

植謹

奏爲仰懇

天恩俯准襲封公爵事竊照臣五十六代祖孔希

學蒙

太祖高皇帝特恩襲封衍聖公歷代沿襲不開外

傳至六十一代高祖孔弘緒于景泰六年十二

月襲爵至弘治十六年有病未故臣曾祖孔聞

韶卽先于本年襲爵至嘉靖二十五年二月初

病故臣祖孔貞幹隨卽于本年襲爵三十五年

七月八

賀至八月在京病故

欽命禮部右侍郎素煇

諭祭復

遣行人何燧護喪歸葬臣繼父孔尚賢亦即于本

月內襲爵生有二子長胤椿授

欽依冠服長子次胤桂授翰林院五經博士俱無

嗣早故臣係嫡次枝嫡長親侄承繼前來咨送

吏部襲授翰林院五經博士聽襲公爵今臣繼

父尚賢不祿于本年十一月二十五日病故臣

隨報喪奏

請暫管府事護守印信外所有公爵例應承襲查

得臣高祖曾祖父有未故先襲者有病故即襲者蓋以慶

賀大典職守奉祀為重故先襲爵後守制已成舊

規况

聖駕明年

幸學臣若不及時奏襲臨期陪

祀之人殊為闕典伏乞

勅下吏部查例覆

請俯准臣襲封公爵臣下情不勝激切懇祈之至

奉

聖旨吏部知道

吏部覆本

天啟二年五月二十一日

吏部

題為仰懇

天恩俯准襲封公爵事驗封清吏司案呈奉本部

送吏科抄出孔子六十五代孫翰林院世襲五

經博士孔胤植奏稱云云等因奉

聖旨吏部知道欽此欽遵抄出到部送司案查嘉

靖三十五年九月內該已故衍聖公孔聞韶妻

衛氏奏稱伊男孔貞幹赴京病故所有嫡長孫

男孔尚賢見今在京乞要承襲祖爵等因該本

部覆題奉

世宗皇帝聖旨孔尚賢着襲封衍聖公伊年幼族

人等敢有恃強欺害他的許孔尚賢奏來治罪

你部裏還行文與撫按官知道欽此欽遵今准

前因倫序猶恐不的已經移文該省撫按行查

去後今准回稱查明翰林院世襲五經博士孔

胤植係六十二代襲封衍聖公孔聞韶曾孫也

聞韶生二子長貞幹襲公爵次貞寧授翰林院

五經博士貞幹生尙賢賢子二長胤椿次胤桂
俱故絕無嗣貞寧生尙坦胤植則尙坦之嫡子
也植於尙賢服猶未斬枝爲次長細考倫序長
委應承襲祖爵况尙賢未故之先於泰昌年間
已將胤植

題授翰林院五經博士近又奉

聖旨准與代理府事矣則今日承襲之人舍植而
誰哉相應坐名咨送等因到部看得孔子六十
五代孫翰林院世襲五經博士孔胤植奏稱伊
繼父孔尙賢于嘉靖三十五年九月內襲爵病

故植係嫡次枝親侄已襲五經博士今乞要承
襲祖爵一節既經行准該省撫按查明坐名咨
送前來相應以孔胤植承襲衍聖公封爵但

恩典出自

朝廷臣等未敢擅便伏候

聖裁緣係仰懇

天恩俯准襲封公爵及奉

聖旨吏部知道事理謹題請

旨奉

聖旨孔胤植着襲封衍聖公

請替襲疏

孔子六十五代孫太子太傅襲封衍聖公孔胤植
謹

奏為微臣病癘日危萬難供職籲懇

聖慈俯允承襲以廣

皇恩以光俎豆事竊照臣荷

國隆恩叨享厚祿方期頂踵圖報不意福過災生
於順治三年之冬忽染肺癰痰涎流注喘嗽靡寧
又無右手拘攣右腿麻木不能動履延醫徐步雲
多方調治痊可無期奈臣素秉虛弱抱病之後氣

血俱枯精神盡耗而病勢日加沉重吟呻床褥
計今一載餘矣近更手足癱瘓半身不隨胃腹
痛膿血交加粥糜既已難餐藥餌又復多嘔念
臣職司主鬯統攝族屬萬一殞瘁則祀事俱弛
臣思長子孔興燮先於順治元年十月內蒙
恩准授欽依二品冠服候襲公爵伏乞

皇上憐臣痼疾已成癘人殘喘危若朝露

俯允臣子興燮承襲祖爵以奉祀事不惟臣祖默
佩

皇恩即臣有生之年仰祝

聖壽於無疆矣臣伏枕瀝陳不勝懇祈待
命之至爲此崑差陳齋遠齋
奏以

聞

順治五年正月十三日上十四日奉

聖旨該部知道

報喪本

孔子六十六代孫欽依二品冠服襲封衍聖公
長子孔興燮

奏爲臣父病久身故謹瀝血

上聞仰祈

聖鑒事竊惟臣父孔胤植荷蒙

皇上高厚隆恩襲封祖爵寒於順治三年

之冬忽染肺癰又兼手足癱瘓不能動履隨於

本年十一月二十九日具疏乞

恩將臣承襲祖爵以奉

聖廟祀事差奏差陳齋遠齋奏去後不意臣父病

危篤調治不痊業於十二月十五日酉時身故

臣謹披瀝

上聞伏乞

皇上俯念聖裔世爵

勅下該部查例覆

請施行

順治五年正月

日十九日奉

聖旨該部知道

吏部題襲爵疏

吏部尚書臣譚拜謹

題爲境內病故大臣事驗封清吏司案呈奉本部
送吏科抄出巡撫山東等處地方督理營田提
督軍務都察院右僉都御史張儒秀題前事內

稱順治五年正月初六日據曲阜縣管理縣事
通判孔胤淳申稱順治四年十二月十五日准
太子太傅襲封衍聖公孔胤植長子欽依頂服
孔興燮訃稱先考於順治四年十二月十五日
酉時卒於正寢謹具訃聞等因到臣該臣會同
按臣金廷獻看係境內病故大臣事理既經申
報前來相應具題伏乞

勅下該部查照施行等因順治五年正月十九日
奉

聖旨該部知道欽此又奉本部送吏科抄出孔子

六十六代孫欽依二品冠服襲封衍聖公長子
孔興燮奏爲臣父病久身故謹瀝血

上聞仰祈

聖鑒事竊惟臣父孔胤植荷蒙

皇上高厚隆恩襲封祖爵蹇於順治三年之冬忽
染肺癰文兼手足癱瘓不能動履隨於本年十
一月二十九日具疏乞

恩將臣承襲祖爵以奉

聖廟祀事差奏差陳喬遠齋奏去後不意臣父病
勢危篤調理不痊業於十二月十五日酉時身

故臣謹披瀝

上聞俯念聖裔世爵

勅下該部查例覆

請施行等因順治五年正月十九日奉

聖旨該部知道欽此欽遵通抄到部送司除祭葬
行咨禮部議覆外查得順治元年十月內該本
部覆啓孔胤植仍封衍聖公照原階太子太傅
伊長男孔興燮應加二品頂帶等因奉

聖旨欽遵在案通查案呈到部看得孔興燮奏稱
伊父孔胤植病故乞要承襲祖爵一節既經山

東撫按會報病故前來查與燮先經奉有啓
准品服相應准令承襲衍聖公封爵管理祀事爲
此具本謹題請

旨

順治五年三月初十日奉

聖旨是

小臣病替爵疏

藥封衍聖公孔興燮謹

奏爲微臣偶感陡病藥醫罔效恐悞典禮有曠

厥職懇恩臣子代襲臣爵以重職掌以光蒸

嘗事竊臣荷

國厚恩叨享祿位主臣祖

孔子祭祀統攝族人今廿年矣矢志靖共啣結

未能臣自季春入

覲回籍感成勞怯之症延醫調理稍有生机正

圖報効不意忽于十一月陡染時症日重一

日恐廢職掌有負

國恩念臣子孔毓圻已經照例咨部懇乞

皇恩將臣世襲公爵令臣子承襲早展夙夜葵誠
以主

聖祖祀事庶職掌不曠而烝嘗有光矣倘臣仰
托

皇眷得延殘喘有生之日皆圖報

洪恩之日也臣謹伏枕奏陳不勝惶悚懇禱之至
爲此具本差奏差胡應龍齎捧奏

聞

康熙六年十一月二十二日

吏部知會襲爵咨

吏部爲微臣偶感陡病藥醫罔效恐典禮有
曠厥職懇

恩臣子代襲臣爵以重職掌以光烝嘗事文選
清吏司案呈奉本部送吏科抄出該本部題
前事內開該臣等議得衍聖公孔興燮疏稱
臣自季春入

覲回籍感成勞怯之症巡醫調理稍有生機不
意陡染時症屢醫不痊恐廢職掌有負

國恩念臣子孔毓圻已經照例咨部懇乞
皇恩將臣世襲公爵令臣子承襲以主

聖祖祀事庶職掌不曠而烝嘗有光等語查康
熙七年正月內該山東巡撫周有德題報孔
興燮病故在案相應將衍聖公孔興燮之世
襲公爵伊子孔毓圻年十六歲准其承襲主
祀可也恭候

命下臣部遵奉施行臣等未敢擅便謹題請
旨等因康熙七年正月十七日題本月十九日奉
旨孔毓圻准承襲衍聖公欽此欽遵抄出到部送

司相應移咨擬合就行為此合咨前去煩為
查照奉

旨內事理欽遵任事施行須至咨者

右 咨

衍 聖 公 府

康熙七年正月 二十三日

旨內奉 聖 旨 欽 此 欽 此

查照奉

同日奉 聖 旨 欽 此 欽 此

旨 欽 此

天啟二年四月

工部覆本

工部署部事協理尙書管右侍郎事臣姚思仁

等謹

題爲仰懇

天恩俯賜

卹典以光泉壤事屯田清吏司案呈奉本部送准

禮部咨該本部題禮科抄出襲封衍聖公管理

府事翰林院世襲五經博士孔胤植奏繼父襲

封衍聖公孔尙賢於天啟元年十一月二十四

日病故乞要

卹典一節等因奉

聖旨是孔尚賢與祭九壇造墳安葬伊妻嚴氏照例與祭二壇合葬欽此欽遵咨部送司查得

大明會典并

卹典條例一款衍聖公祭葬照一品事例給與造墳安葬今該前因查呈到部看得襲封衍聖公管理府事翰林院世襲五經博士孔胤植伊父衍聖公孔尚賢母嚴氏各病故既經禮部題奉欽依准與祭葬相應差官前去督造及查本部司

屬各青差占不敷委用行據行人司于本開送本司行人邵捷春前來堪以差委相應奏

請恭候

命下本部照例給批定限移咨兵部應付本官前去山東布政司北號相同着落當該官吏即將該用物料夫匠數目查照先年造墳則例處辦該司仍委堂上官一員會同本部差官依式督理造墳完日備將辦過物料數目造冊

奏繳仍具數報部查考緣係仰懇

天恩俯賜

郵典以光泉壤事理未敢擅便謹題請

旨奉

聖旨

孔子六十五代孫襲封衍聖公臣孔胤植謹

奏為

請降

勅諭事照得臣祖歷代以來凡承襲公爵奏請

勅一道鈐束族人況今生齒日蕃澆陋日甚乘

臣繼父孔尚賢在京

朝祭臣兄孔胤椿病故無嗣族眾倚恃強橫或

霸占庄房或潛居府第或招資蓄蓄或盜賣

樹株靡所不為欺凌至極臣蒙

恩新襲祖爵不日扶匱回籍以穉懦孤踪新承

祀典凡事未免掣肘且以孱弱之軀當虎狼

之眾難免為其魚肉伏查嘉靖四十一年九

月三十日欽奉

皇帝勅諭襲封衍聖公孔尚賢惟我

祖宗列聖稽古右文崇儒重道於

先師孔子特隆象賢之典其大宗之裔錫爵嗣

封承奉祀事統攝宗人其支庶之眾亦加優

遇肆朕率循舊章恩禮益至顧族屬既繁哲
愚非一徃徃于犯國憲有玷聖門茲特賜勅
諭令爾尚賢督率族長舉事管束族衆俾各
遵守禮法以稱朝廷嘉念至意爾宜修德謹
行以身先之如有恃強挾長朋謀爲非不守
家法者聽爾同族長查照家範發落重則指
名具奏依法治罪爾其欽承之故諭大哉
王言無非念本支卑弱族衆強橫至隆慶三年三
月初八日該臣繼父孔尚賢復奏請
勅一道申飭訓規嚴明約束臣之事體實與相同

輒敢披瀝以請伏乞

皇上查照舊例

賜勅令臣回籍以便給束臣不勝激切祈懇之至
爲此具本親齎謹具

奏

聞

天啟三年十一月二十九日

禮部爲禮儀事故本部題恭遇

皇上首舉視學之典以彰右文之治先該臣等題
請

視學一應事宜合當亟爲申飭等因奉

聖旨着照萬曆四年例行欽此已經行文欽天監

選擇吉期去後結以於禮科抄出欽天監監正

周子愚等題請

視學吉期擇於天啟四年八月初三日卯時大吉

等因奉

聖旨是該衙門知道欽此欽遵抄出到部除合行

儀注另行會議外合無移文工部將廟學督

脩早完以便行禮再照孔顏曾孟四氏子孫

例該行取赴京至期迎接

聖駕陪祀所有衍聖公孔胤植及翰林院五經博

士孔胤隆顏光曾曾承業孟弘譽合無本部

差官馳驛前去取并另取孔氏老成族人

五人顏曾孟族各二人照例一同馳驛前

來至期陪祀恭候

命下臣部行文各該衙門知會施行等因天啟三

年十一月二十六日太子少保本部尚書兼

翰林院學士林幸俞等具題二十九日奉

聖旨是欽此欽遵擬令通行爲咨前去照依本部

題奉

欽依內事理欽遵知命仍選取老成族人五人作
速馳驛前來至期陪祀施行該本府劄付翰
林院五經博士孔胤隆顏光魯曾承業孟弘
譽准此依期赴京觀禮施行

天啟四年五月二十四日

襲封衍聖公府宦禮儀事天啟三年十二月

二十二日准禮部咨前事該本部題

皇上首舉視學之典以彰右文之治先該臣等題
請

視學一應事宜合當預為申飭等因奉

聖旨着照萬曆四年例行欽此已經行文欽天監

選擇吉期去後續於禮科抄出欽天監監正

周子愚等題請

視學吉期擇於天啟四年八月初三日卯時大吉

等因奉

聖旨是該衙門知道欽此欽遵抄出到部除合行

儀注另行合議外合無移文工部將廟學督

脩早完以便行禮再照孔顏曾孟四氏子孫

例該行取赴京至期迎接

聖駕陪祀所有衍聖公孔胤植及翰林院五經博

士孔胤隆顏光魯曾承業孟弘譽合無本部
差官馳驛前去行取并另取孔氏老成族人
五人顏曾孟族人各二人照例一同馳驛前
來至期陪祀恭候

命下臣部行文各該衙門知會施行等因到府合
行曉諭爲此劄付本官照依禮部題奉

欽依內事理欽遵務選曉暢老成族人二人仍將
姓名年貌申報前來屆期聽候本府率領進
京陪祀施行須至劄付者

右劄付顏曾孟宗子翰林院五經博士顏先

曾曾承業孟弘譽准此

天啟四年五月二十一日

襲封衍聖公府爲禮儀事切照本年八月勅
三日恭遇

皇上首舉視學之典以彰右文之治猶歎休哉已
蒙

勅下禮部查照儀注先差中書舍人楊中極自齋
咨文到府該取四氏子孫到京至期迎接

聖駕陪祀并另取孔氏老成族人五人孔顏曾孟
族人各二人欽此欽遵外本府卽擇日馳驛

關里誌 卷之二十二
上京爲此遵照來咨秉公遴選本族老成族
人五人各照勘合馳驛隨本府一體入都務
要履拜端恪衣冠濟楚不負

聖上崇儒盛念臨雍巨典誠恐發行先後至期參
差擬合坐名預發劄付各給一張在定入京
日期務扣定程途及時促裝勿致失悞恭迎
聖駕不便本府率領之任須至劄付者

一劄付族人孔彥乾孔弘顯孔弘羨孔文慶
孔文範准此
天啟四年七月初十日

禮部爲禮儀事該本部題照得天啟四年八
月初三日恭遇

皇上躬臨太學釋奠
先師

命儒臣進講所有應行禮儀例該先期演習合無
於七月二十三日

請
命司禮監官同 內閣及抄事官員俱赴國子監

習儀至期行禮其習儀日期合無照例暫免
朝參等因天啟四年七月初四日太子少保本部

關里誌 卷之二十二
尚書兼翰林院學士林堯俞等具題初七日
奉

聖旨是着照去歲

郊祀文華殿演禮欽此欽遵擬合就行爲此合
咨前去煩爲查照

欽依內事理欽遵知會施行湏至咨者

右咨襲封衍聖公

天啟四年七月十三日

禮部

題爲補造牙牌事議請清吏司案呈准尚寶司

手本開據先准本部儀制清吏司手本開稱

照得天啟四年八月初三日

駕臨太學釋奠

先師例該孔顏曾孟四氏子孫迎

駕陪祀行禮例應懸帶陪祀牙牌相應關領等因
到司准此查得本司庫貯陪祀牌面額置有
限見今文武濟濟給發不敷庫內並無存貯
今照

幸學在邇四氏所懸祭牌似難缺給相應移文

料

造等因到司准此案查正德五年十月內該
本部題

准各官懸帶牙牌仍照舊例行司禮監料造完備
尚寶司領出給發已經通行欽遵外今該前
因案呈到部看得前項牙牌既經尚寶司查
無收貯相應照例題

請恭候

命下行移 內府司禮監料造完備尚寶司領出
給發各官懸帶緣係補造牙牌事理未敢擅
便開坐謹題請

旨

計開無陪祀牙牌官五員

衍聖公孔

翰林院博士孔胤隆顏光魯曾承業孟弘譽

一見

朝儀注候鐘響門開待傳出外班行五拜三叩頭
禮畢從西掖門引進過西邊橋至

皇極門下西丹墀面上站住聽鴻臚寺招呼某官
過卽自上

御路中自跪致詞

云

云

致畢聽鳴贊贊叩頭叩四

頭

上傳與酒飯吃待光祿寺鴻臚寺承

旨畢又贊叩頭叩四頭即自起身一揖一躬倒退

至

御路邊東下歸文班侍立

工部監督朱

為四氏祭服事准太常寺

典簿手本開成造後開祭服到廊為此票仰

本役前赴

聖府等宅稟問明白的確顏

色羅絹長短式樣料計呈報

本部以憑覆該催利造辦毋得遲悞未便須

票

計粘單一紙

衍聖公老爺

穿祭服

翰林院五經博士孔胤隆顏光魯曾承業孟

弘譽俱祭服

冠帶族長洙泗書院學錄孔彥乾孔弘顒俱

祭服

陪祀族人十一人俱衣巾

太常寺行文合令自備

右票仰作官徐守信准此

限即日銷

一朔望日

朝着官服

上拜殿就御路邊排班班齊鞠躬一拜叩三頭興

平身自起一揖退

一三六九常

朝入班即就

御路上鞠躬一拜叩三頭興平

身自起一揖退着錦繡

孔子六十五代孫襲封衍聖公臣孔胤植謹

奏為禮儀事照得本年八月初三日恭遇

聖駕幸學行釋奠禮

欽取臣并四氏子孫五經博士族人到京陪祀查

得顏曾孟各率族二人惟五經博士孔胤隆

尚無蓋緣萬曆四年

神廟幸學之時博士懸缺未襲今既經襲授有人

見在陪祀相應比照顏曾孟事例亦率族二

人以襲

大典除移咨禮部知會外為此具本謹具奏

知

天啟四年七月十三日上十六日

奉

聖旨禮部知道

天啟四年七月十七日

兵部車駕司郎中解經傳為禮儀事奉

本部送准襲封衍聖公府咨稱荷蒙

欽取進京行

釋奠禮合用轎夫皂隸牢役馬匹相應照例

轉行撥用等因到部送司奉此除牢役馬匹

行令巡捕營撥用外所有轎夫皂隸擬合移

會為此合用手本前去

順天府經歷司呈堂轉行大宛二縣即撥轎

夫八名皂隸十六名經送

衍聖公府伺候應用事竣撤回希勿遲滯施

行瀆至手本者

天啟四年七月十七日

兵部車駕清吏司為禮儀事奉

本部送准衍聖公府咨請馬匹牢役緣繇到

部送司擬合就行為此票仰巡捕營中軍官

照依舊規即撥大馬一匹中馬四匹牢役二

十名徑送

衍聖公府伺候應用事竣撤回毋得遲違未

便湏票

右票仰巡補營中軍官准此

天啟四年七月二十日

禮部為禮儀事該本部題天啟四年八月初

三日遇

皇上躬臨太學行釋奠禮于

先師廟所有四配十哲兩廡該用分奠官謹將

各大臣職名開坐上

請伏乞

欽點八員至期行禮等因天啟四年七月十六日

太子少保本部尚書兼翰林院學士林堯俞

等具題十九日奉

聖旨着點了的八員分奠欽此欽遵查得大學士

韓 衍聖公孔 大學士朱 顧

魏 朱 吏部尚書趙 尹部尚書

李 有點擬合通行為此合咨前去煩為

查照本部題奉

欽依內事理欽遵至期行禮施行湏至咨者

天啟四年七月二十日

禮部儀制清吏司郎中周應期為禮儀事准

精膳清吏司手本開稱八月初三日

皇上躬臨太學次日

欽賜孔顏曾孟四氏子孫衍聖公及祭酒司業等
官于本部筵宴職名數日未見開送緣繇到
司准此查得五經博士并四氏子孫姓名貴
府未經開送相應移文開取為此除呈
堂外合用手本前去
衍聖公府煩為開送過司以便轉行脩辦筵
宴施行須至手本者該本府開送

計開

衍聖公

孔彥乾 孔弘 孔文範

五經博士 孔胤隆 率族二人

孔文謨 孔貞祚

五經博士 顏光魯 率族二人

顏胤禧 顏胤學

五經博士 曾承業 率族二人

曾承祐 曾繼榮

五經博士 孟弘譽 率族二人

孟聞時 孟聞鑑

天啟四年七月二十六日

太常寺典簿廳典簿徐元嘏蔣士麟爲四氏祭服事奉

本寺案令據本廳呈准禮部儀制司手本前事案令移催到廳奉此節次催造今准工部監督六科廊都水清吏司主事朱造送衍聖公四氏等祭服合應轉解應用須至手本者

計開

衍聖公祭服一套中單朝裙玳瑁錦綬牙笏金冠印綬蔽膝祖縑忠孝帶雲履夾襪革帶

雲履改送朝靴

五經博士孔胤隆顏光魯曾承業孟弘譽祭服四套中單朝裙玳瑁錦綬木笏金冠蔽膝祖縑忠孝帶雲履夾襪革帶

冠帶族長孔彥乾洙泗書院學錄孔弘顯祭服二套中單朝裙玳瑁錦綬木笏金冠蔽膝祖縑忠孝帶雲履夾襪革帶

天啟四年七月二十八日

禮部爲禮儀事精膳清吏司案呈照得天啟四年八月初三日

上幸太學所有一應合行事宜該臣等會同內閣
大學士葉等擬議儀注具題奉

聖旨是欽此除通行各該衙門欽遵外續該司禮
監具奏六月二十九日奉

聖旨是其慶賀之日免宴欽此欽遵臣等謹擬于
初四日早恭候

皇上御皇極門百官具朝服鴻臚寺官致詞稱賀
行五拜叩頭禮畢分班侍立然後襲封衍聖
公率四氏子孫祭酒司業率學官諸生各上
表謝

恩其各該供事官員奉

旨免宴一節臣等查得萬曆四年八月初二日

神宗皇帝駕臨太學亦尤奉

欽依免宴隨該本部具題孔顏孟三氏子孫衍聖

公等及祭酒司業合照依隆慶元年視學事

例次日于本部筵會

遣官款待等因奉

神宗皇帝聖旨是三氏子孫并祭酒等官照例晏

于禮部着尚書馬自強待今

恭遇

皇上親臨太學

熙朝盛典所據今次衍聖公孔胤植等并四氏子

孫及祭酒司業合無仍照萬曆四年事例于

本部筵宴

遣官款待照常簪花作樂惟復一體免宴臣

等未敢擅擬伏乞

聖明裁定

勅下臣部遵奉施行等因天啟四年七月初六日

本部具題初九日奉

聖旨是孔胤植并四氏子孫祭酒司業官照例賜

宴禮部着尚書林堯俞待欽此欽遵合就連

送仰付該司照依本部題奉

欽依內事理欽遵轉行光祿寺脩辦仍請各官至

期赴宴施行等因連送到司煩爲查照施行

等因到司案呈到部擬合通行爲此合行移

咨前去照依本部題奉

欽依內事理欽遵至期帶領族人孔彥乾并博士

顏光魯等于八月初四日早赴本部筵宴施

行須至咨者本府劄付同前

計開

一 衍聖公孔 族人五人孔彥乾孔弘暉孔

弘羨孔聞慶孔聞範五經博士孔胤隆族人

孔聞謨孔貞祚顏光魯族人顏胤禧顏胤學

曾承業族人曾承祐曾繼榮孟弘譽族人孟

文時孟聞鑑

一 咨 衍 聖 公

天啟四年八月初三日

禮部右侍郎兼翰林院侍讀學士暫署國子

監祭酒事戒蔡毅中奏為恭

進勸堯之言以保

聖躬以襄大典事戒于七月二十九日繕寫講章

送 閣進

呈忽接

聖旨云 視學大典偶因鼻衄恐釋奠進講驟發

不便觀仰着於明年二月舉行戒不勝驚鬱

夫

視學之禮自古帝王常典昔

世宗肅皇帝嘉靖元年初舉史書亦不詳載至十

二年重舉乃刻重幸太學錄頒行天下今日

即遲數年舉行何防大禮獨是

關聖言 卷之二十二
皇上養身之道不可一日少緩也夫衄血一症
起于勞苦憂思過度朕年二十歲時曾苦於
此諸藥罔效因而多病兼發有一老人教朕
以大學修身之道知止定靜之方獨處靜室
先正其心先誠其意屏去一切思慮纔去一
切聲色節飲食慎起居止令蒼頭一人在前
以供使令不數日而身體復元百病皆愈今
數十年余不見舉發身體不見損傷其止衄
之方不事服藥曾向閣臣言之惟望我
皇上端拱默坐正心誠意盡屏思慮薄滋味戒嗜

慾令方寸中休休喜樂則神王強萬壽無疆
何患一時小恙哉至若

視學之典數日來日于文廟演樂習禮神人共悅
今既暫緩當令丁祭閣臣具文告知

先師聖前其召來衍聖公及四氏子孫亦當以禮
遣歸夫衍聖公與群公并爵者也今諸國公
皆居京師日侍

左右豈不文武并用師之濟美哉若四氏子孫當
于衣巾之外量加優禮如

覃恩事例賜以恩生歸里不爲過分昨朕同臣閣

臣商語云止令馳驛回籍朕以爲未然也恩
出

皇上伏候

聖裁此臣職掌所關得與典禮一念犬馬之忱期
獻芻蕘朕不勝惓惓待

命之至

初六日奉

聖旨這所奏關朕躬知道了視學累朝俱有改期
不必具告衍聖公暫留四氏子孫應加禮遣
該部酌議具奏

禮部謹

題爲

視學奉

旨暫停賢裔宜加禮遣事臣部原以天祿四年八

月初三日

聖駕臨雍釋奠于三年十月間查照舊規

題差中書舍人楊中極行取衍聖公孔胤植暨
取四姓博士并一二族人入京習禮令其快
覩

聖明崇儒重道之盛典至今年七月間陸續報到

見

朝旋偕臣等于

文華殿演習祇候廟屆行禮忽于是月二十九日

蒙

皇上宣召閣臣及臣等六部科道英國公至

乾清宮示以偶患鼻衄幸學明歲舉行臣等仰見

聖容清臧復思典禮煩勞卽明春二月期亦不遠

隨咨各衙門將應行事宜暫爲停止外其衍

聖公及四姓博士族人等各言家鄉荒旱急

欲告歸臣等議待丁祭之后方爲疏請以聽

聖裁而監臣蔡毅中業生之言之今已得

旨令衍聖公暫留四氏子孫應加禮遣矣惟是歸

者既以禮遣而留者有當恤其私在衍聖公宜

頒送下程一次或并給隨

朝之未肩輿之夫在博士族人等宜照儀注各先

與以衣服等件并行兵部填給勘合送之還

里其博士四員仍着令明春入京陪祀聽講

以觀大典之成其族人或一姓量取一二人

或槩令免來復滋勞費是以優賢之中兼寓

節省之意者也再照臣部前所

進儀註皆備考舊章率循取掌如

欽賞衍聖公等冠帶衣服一依萬曆四年會載之
例例之所有者一毫不敢裁也例之所無者
一毫不敢增也若蓋臣所稱四氏子孫衣巾
之外各加恩生之說別無考據故臣等與閣
臣商議并未及此今四氏子孫十餘人日向
臣部求如監臣言
題加恩生卽大典舉行之後恐亦無此冒濫臣
等未敢盡以爲然也謹遵

明旨酌儀具奏伏乞

欽定勅下臣部施行庶事體歸一議論不知混淆
矣爲此具揭瀕至揭者

天啟四年八月初九日奉

聖旨聖裔宜加優禮衍聖公留京下程廩米與夫
俱給與其博士族人各給衣服勘合來歲視
學博士仍取來京族人俱免四氏子孫既有
衣巾有願給冠帶的該部經給不必復奏

天啟四年九月初五日

陝西司郎中于緯爲視學奉

旨暫停賢裔宜加等事准禮部咨稱衍聖公并給

隨

朝廩緣繇到部送司查得隨

朝廩米既徑禮部照例題奉

欽依移咨前來無容別議相應准給月支米一石

其出京之日截日任支本司未

敢擅便理合稟 知

天啟五年二月二十四日

禮部爲禮儀事該本部題儀制清吏司案呈

奉本部送准襲封衍聖公咨據族人行人司

行人孔文諫吏部辦事進士孔聞詩呈稱

累朝視學大典除

欽取族人之外凡屬名士籍者皆得乞

恩觀禮今聞諫見任京官聞詩見觀部政懇乞咨

部題

請隨班觀禮緣繇到部送司案查萬曆四年貢生

孔弘景顏弘乾廷試到京各告稱陪祀准令

行禮等因在卷今該前因案呈到部看得

視學盛典凡在

廷臣子無不矯首橋門欣瞻勝事况二臣衍派聖

源際風雲而依日月觀光之念豈獨後於他

人似宜令其隨班行禮以光

大典者也既經該司查有前例合無准令孔聞諫

孔聞詩列於五經博士之未一體行禮所有

欽賜紵絲衣各一套一併頒給恭候

命下臣部遵奉施行等因天啟五年二月二十日

太子太保禮部尚書兼翰林院學士林堯俞

等具題二十三日奉

聖旨是欽此欽遵擬合就行爲此合咨前去煩爲

轉行知會施行須至咨者

禮部爲禮儀事該本部題照得天啟五年三

月初六日恭遇

皇上躬臨太學釋奠

先師

命儒臣進講所有應行禮儀例該先期演習合無

于三月初一日請

命司禮監官同內閣及執事官員俱赴

文華殿習儀至期行禮其習儀日期合無照例暫

免朝參等因天啟五年二月十七日太子

太保本部尚書兼翰林院學士林堯俞等具

題二十日奉

聖旨是欽此欽遵擬合通行爲此合咨前去煩爲
查照

欽依內事理欽遵施行須至咨者

天啟五年二月二十八日

崇禎元年二月

太子太保襲封衍聖公府爲缺官事切照

至聖先師孔子三十三代孫孔德倫唐封褒聖候

於河南寧陵邑

勅建祖廟

欽賜祭田歷朝相沿及今恩典如舊正統年荷

英宗睿皇帝詔遷儀封嘉靖年蒙

世宗肅皇帝准請祀官

欽授六十代孫孔承寅世襲國子監學正主守廟

祀會典憲章縣誌家誌可據承襲病故日久

廟祀不可缺人今據儀封族長孔弘望闔族

生員孔尚行等公舉該縣具申前事等因到

府爵查得

大明會典一款凡襲封衍聖公府官屬人員宜從

衍聖公保舉來用欽此欽遵看得六十四代

孫儀封附學生員孔尚林謹持家訓學行俱

優查係嫡派相應承襲爲此合行移咨

貴部煩照來咨事理將孔尚林速爲題授前
職給憑到任知會該省撫按衙門施行須至
咨者

一咨吏部

崇禎元年三月十三日

太子太師吏部尚書臣房壯麗謹

題爲缺官事文選清吏司案呈奉本部送准太

子太保襲封衍聖公府咨開竊照

至聖先師孔子三十三代孫孔德倫唐封褒聖

候于河南寧陵邑

勅建祖廟

欽賜祭田歷朝相沿及今

恩典如舊正統年荷

英宗睿皇帝詔遷儀封嘉靖年蒙

世宗肅皇帝准請祀官

欽授六十代孫孔承寅世襲國子監學正王守廟

祀會典憲章縣誌家誌可據承寅病故日久
廟祀不可久缺人今據儀封族長孔弘望闔
族生員孔尚行等公舉該縣具申前事等因

陽明書
卷之二十二
六十三
到府爵查得

大明會典一款凡襲封衍聖公府官屬人員宜從
衍聖公保舉來用欽此看得六十四代孫儀
封縣學生員孔尚林謹持家訓學行俱優查
係嫡派相應承襲合咨煩照來咨事理將孔
尚林速為

題授前職給憑到任知會等因到部送司案呈
到部既經衍聖公府照例咨會前來相應題
請合無將孔尚林襲授國子監學正管理祀典恭
候

命下 部給憑行令到任管事緣係缺官事理未
敢擅便謹題請

旨奉

聖旨是

崇禎元年五月二十三日遣太僕寺卿郭興
言

諭祭聖祖

崇禎元年六月

孔子六十五代孫太子太保襲封衍聖公臣

孔胤植為恭謝

天恩事臣叨承

明命主祀祖庭欣逢

皇上冲齡續緒稽古宗儒

龍飛九五之初

綸音沛發

特遣太僕寺卿郭興言詣闕昭告臣祖

至聖先師孔子廟荷蒙

天語褒揚太牢尊禮顏曾思孟各祀幣

光重道之典洵邁漢祖而遠過唐宗亘古迄今茂

以加也

天使之賁隨心延遺胤恭率族人以趨

謝端拜

嚴宸伏望

皇上心傳 精一學術熙益究帝王之業聿臻

禮道之統

皇圖永固

聖壽無疆臣不勝瞻

天仰

聖激切惶恐之至奉

聖旨

崇禎貳年正月十一日

太子太傅襲封衍聖公府爲清朝首錫之典

聖裔特被之恩懇乞

垂念先儒俯從特選事切照孔子六十三代孫

孔貞祚原係四氏學廩膳生員以天啟四

先朝視學以學行公舉

召入陪祀受

大官宴頒紵絲衣二表裏命勘合馳驛禮竣本

疏奏乞

恩蒙

旨送監以示優異此我

朝幸學從來未有之典本族何幸沾之當時無所

措格借途恩貢此典原謂先聖廣恩廡未與

某年恩貢序選次也所據監事完日卽咨部

內除京職者緣禮部比時覆本議定民社職

官坐是本生尚希科第延筵至今已經五年

乃者恭遇

聖駕臨雍

欽取孔氏子孫觀禮爲此例該本府咨送本生前

關里誌 卷之二十三 九
赴

貴部煩爲照依民社職官仰求急選以便
幸學之日候迎

聖駕庶特恩可表而先聖有光矣湏至咨者

計開咨送

恩貢一各年三十五歲身中面白有鬚至聖
裔係特恩原未給文引

崇禎元年十一月二十日

太子太傅襲封衍聖公府爲衍宗派以分昭
穆事照本族舊有輩次所以序長幼之倫演

相生之義咸繇士小府掌握宗盟選編善字故
閱族守若畫一以嗣久勿替茲于胤字輩以下
尚字號今定吉字十字參議族長並無犯
及

廟號及我先輩宗長者合行出示曉諭爲此示仰
族長舉事闔戶戶頭戶舉卽速遍傳族衆自
胤輩以下遵照行去十字挨次訓名每名之
下照名下一字訓字除本府告示在詩禮堂
張掛外其有遠居山僻住在地境戶內各分
傳以便依行其已訓名者卽照行改正勿得

參差有乖宗體未便十字開到于后須至告
示者

計開

興字起毓字鍾傳字振繼字體廣字裕照字
明憲字法慶字澤繁字羽祥字瑞

崇禎二年二月十一日

為兩侍

臨雍額

天拔擢事切照孔氏世受

國恩有加無已咸賴我

聖朝重道崇儒故臣族世恩世爵如臣貞祚者於

先帝臨雍召入觀禮事竣乞恩以臣係廩膳生員

荷蒙

特旨送監以示優異當時該部定臣恩貢擬選民

社原荷

聖朝特恩不得與諸貢同行而共叙者迄今已經

五年天啟之恩貢選矣崇禎之恩亦微恩選

矣臣以積薪不蒙拔齊年華增悲行李蕭條

是

先帝視學之恩覃敷盈朝而特優孔氏之

旨不能及其苗裔也是可令賈太傅聞之耶困迫
燕邸躊躇反覆痛臣終無出頭之日矣乃者
幸際我

皇上首舉右文釋奠臣

祖孔子臣復蒙

欽准入班行禮恭隨趨踰恪瞻

雍穆叨

賜宴賞已沾逾涯之恩寧敢爲無已之求但

皇上念祖以及孫察臣兩與

大典誠爲千載奇逢

勅下該部准於二月大選內准臣擢送出效犬馬

用昭

皇上崇儒之恩推成裕後之典易曰利見

大人豈有兩得舞蹈於

御案之前尚儒冠風塵者臣無門控訴曷死懇陳

天咫尺曷勝隕越待命

崇禎二年二月二十二日

國子監爲比例懇恩續咨送部優選以彰盛

典事據山東兗州府曲阜縣副榜貢生孔尚

標呈稱切照副榜恩監原係特典標取辛酉

科副榜第四名承恩進監於天啟五年欣遇
先帝幸學彼時從祀族人布衣孔彥乾等榮給冠
帶生員孔貞祚等題授恩監標亦蒙取在監
觀禮事竣蒙前在李太宗師推廣

聖恩備咨將標送部另為優選以彰盛典守候至
今恭遇

皇上雍從禮族人孔弘毅等生員孔聞俊等各照
例受恩訖諸生沐恩固不淺矣况先幸學

欲賜恩監之孔貞祚今已奉
旨該部優選今標取在監觀禮念標副榜在監原

與生員恩意有不同且兩遇觀禮實與忻逢
大典者為陪况先次送部優選已有舊案今
有孔貞祚乞恩下部可再新恩伏乞垂憐再
賞咨文送部照例准咨優選庶

國朝浩蕩之恩廣施弗

聖祖崇榮之澤普被無窮等情到監看得

臨雍原以崇禮

先師則曠典亦宜推及後裔况有孔貞祚等既蒙
優選孔尚標合被恩榮本監不得不為轉聞
其可否惟聽

貴部煩爲查照施行瀕至咨呈者

禮部題爲恭遇視學大典事儀制清吏司案

呈奉本部送准太子太傅襲封衍聖公府咨

稱照得崇禎二年正月二十二日蒙

欽取孔氏族人七人觀禮今事竣回籍所有族人

孔彥乾孔彥鳳孔弘毅應給冠帶廩生孔聞

俊孔貞芳孔尚皞孔尚遜加以恩監查照天

啟五年

幸學舊卷施行等因咨部送司案查幸學典禮及

天啟五年

視學事竣該襲封衍聖公孔 奏請乞將族人廩

膳生員孔聞範孔聞謨孔貞祚三人食糧有

年不願冠帶將爲首者特與恩生餘三人照

恩貢例入監等因該本部查准貢已經題停

不便獨爲起例惟有姑准送監以爲情禮允

合覆奉

欽依將孔聞範等俱咨送監在卷今該前因通查

案呈到部看得衍聖公孔咨送族人孔彥乾

等三人乞要各給冠帶廩膳生員孔聞俊等

四人乞要加以恩監會典雖未詳載但天啟

開里詩 卷之二十一
五年孔聞範等業蒙

恩准送監此近例之可援者相應題

請合候

命下將生員孔聞俊等照例送監肄業其孔彥乾
等容臣部徑自給劄冠帶庶不失

皇上崇重先聖之德意而名器亦非冒濫也但

恩典出自

朝廷伏乞

聖明裁定

勅下臣部遵奉施行

崇禎元年十一月初五

禮部為禮儀事該本部題儀制清吏司案呈

先該本部題請

皇上欽定擇於崇禎二年正月二十日卯時吉

躬臨辟雍釋奠

先師例該差官行取襲封衍聖公並孔顏曾孟

世襲翰林院五經博士及孔氏族人五人顏

曾孟族人各二人前來至期陪祀行禮等因

奉

聖旨是欽此欽遵隨行准中書舍人手本回稱中

書舍人梁招孟在任堪以差委等因到司案
呈到部相應題

請恭候

命下臣部行移兵部填給勘合本部給批行令本
官馳駟前徃山東行取前項應該陪祀各官
并各氏族人一同馳驛前來至期恭迎

聖駕行禮陪祀施行等因崇禎元年十月二十九
日本部尚書兼翰林院學士何 等具題

十一月初二日奉

聖旨是欽此欽遵擬合通行爲此合咨前去照依

本部題奉

欽依內事理欽遵知會仍選老成族人五人作速
馳驛前來至期陪祀施行須至咨者

崇禎元年十一月二十日

太子太傅襲封衍聖公府爲禮儀事本年十
一月初十日准禮部咨前事該本部題儀制
清吏司案呈先該本部題

請

皇上欽定擇於崇禎二年正月二十日卯時吉
躬臨辟雍釋奠

先師例該差官行取襲封衍聖公并孔顏曾孟
世襲翰林院五經博士及孔氏族人七人顏
曾孟族人各二人前來至期陪祀行禮等因
奉

聖旨是欽此欽遵隨行准中書舍人手本回稱中
書舍人梁招孟在任堪以差委等因到司案
呈到部相應題

請恭候

命下臣部行移兵部填給勘合本部給批行令本
官馳驛前往山東行取前項應該陪祀各官

并各氏族人一同馳驛前來至期恭迎

聖駕行禮陪祀施行等因崇禎元年十月二十九
日本部尚書兼翰林院學士何 等具題

十一月初二日奉

聖旨是欽此欽遵擬合通行等因到府合行曉諭
爲此劄付本官照依禮部題奉

欽依內事理欽遵務選老成曉暢族人二人仍將
花名年貌申報前來屆期聽候本府率領陪
祀施行須至劄付者

一劄付顏曾孟宗子世襲翰林院五經博士

顏光魯曾弘毅孟弘譽准此

崇禎元年十一月二十日

太子太傅襲封衍聖公府爲禮儀事照得崇禎二年正月二十日恭遇

皇上首舉視學之典以彰右文之治猗歟休哉已蒙

勅下禮部查照儀註先差中書舍人梁招孟自齋咨文到府該取四氏子孫到京至期迎接聖駕陪祀並另取孔氏老成族人五人顏曾孟族人各二人欽此欽遵外本府已馳驛上京爲

此遵照來咨秉公遴選本族老成族人七人各照勘合馳驛一体入都務要履拜端恪表冠濟楚不負

聖上崇儒盛念臨雍巨典誠恐發行先后至期參差擬合坐名預發劄付一張註定入京日期務扣定程途及時促裝勿致失悞恭迎聖駕不便本府率領之任須至劄付者

一劄付族人孔彥乾孔彥鳳孔弘顒孔弘毅孔貞芳孔開俊孔貞一准此

崇禎元年十一月二十日

太子太傅襲封衍聖公府爲禮儀事本年十一月
初十日准禮部咨前事該本部題儀制
清吏司案呈先該本部題

請

皇上欽定擇於崇禎二年正月二十日卯時吉
躬臨辟雍釋奠

先師例該差官行取襲封衍聖公并孔顏曾孟
世襲翰林院五經博士及孔氏族人七人顏
曾孟族人各二人前來至期陪祀行禮等因
奉

聖旨是欽此欽遵隨行准中書舍人手本回稱中
書舍人梁招孟在任堪以差委等因到司案
呈到部相應題

請恭候

命下臣部行移兵部填給勘合本部給批行令本
官馳驛前往山東行取前項應該陪祀各官
并各氏族人一同馳驛前來至期恭迎

聖駕行禮陪祀施行等因崇禎元年十月二十九
日本部尚書兼翰林院學士何 等具題

十一月初二日奉

聖旨是欽此欽遵擬合通行爲此合咨前去照依
本部題奉

欽依內事理欽遵知會仍選老成族人七人作速
馳驛前來至期陪祀施行等因到府脩咨准
此擬合就行爲此除劄行翰林院五經博士
孔尚達顏光魯曾弘毅孟弘譽各查照遵行
及推選本族素行老成族人孔彥乾孔弘顯
孔彥鳳孔弘毅孔開俊孔貞一孔貞芳前來
聽候起程所據合川廩給并各帶廟丁莊京
劉忠李松王志趙進張明錢文等共七名口

根陸路馬匹脚力水路站舡除其繇批付族
人孔彥乾等徑赴

都察院討給勘合外合行移咨

貴司煩爲知會施行湏至咨者

一咨山東承宣布政使司與巡撫同

崇禎元年十二月二十六日

禮部爲臨雍大典謹比例陳情懇祈代題

乞

恩觀禮事儀制清吏司案呈奉本部送據行人司
行人孔聞籍呈稱切惟

聖主右文禮特隆於釋奠朝野嚮化念共切於觀
光况係

先師之雲仍益幸不世之際遇職族遠

欽台尙得望

屬車之塵職身近列京員敢環橋之聽查

天啟伍年

先帝臨雍朕兄中書舍人孔聞詩行人孔聞諤皆
以聖裔特蒙

恩典獲侍趨踰已前之成例其存今茲之陳請非
創懇乞查照舊例俯賜代題倘

皇恩弘一視之仁則小臣慶千載之盛矣等情呈
部送司案查天啟五年二月內該行人司行
人孔聞諤吏部辦事進士孔聞詩呈乞隨班
視禮該本部代題准令列于五經博士之末
一體行禮等因題奉

欽依欽遵在卷今據前精通查案呈到部看得行
人司行人孔聞籍呈乞代題

臨雍觀禮既該司查有孔聞諤等事例相應題
請恭候

命下臣部行令本官照例于五經博士之末行禮

并行工部預備紵絲衣一套以便臨期頒賞
施行等因崇禎元年十二月十九日本部尚
書兼翰林院學士何 等具題二十二日
奉

聖旨是欽此欽遵擬合就行爲此合咨前去煩爲
轉行本官知會施行須至咨者

一咨衍聖公

崇禎元年十二月二十六日

禮部爲禮儀事先該本部題

請

皇上欽定視學儀註緣繇等因奉

聖旨視學儀註照洪武十五年例增定來行欽此

欽遵臣等脩查

會典自成化元年以後

歷朝視學講畢百官俱蒙

賜茶惟天啟五年臨期

內傳照洪武十五年例以故

賜茶之典遂廢今欽奉

明旨諭令增定其應否

賜茶相應再

一請伏乞

聖明酌定早渙明綸

勅下臣部遵奉施行等因崇禎元年十一月二十

九日本部尚書兼翰林學士何等具題

十二月初三日奉

聖旨視學大典諸臣還照

歷朝舊例賜茶欽此欽遵臣等照例會同

內閣大學士李 周 劉 錢

等遵奉

明旨查照歷朝事例議疑儀註及應行事宜開坐

上請伏乞

聖明欽定

勅下臣部遵奉施行等因崇禎元年十二月十二

日本部尚書兼翰林院學士何等具題

十六日奉

聖旨是欽此欽遵擬合就行爲此合咨前去查照

本部題奉

欽依儀註事理欽遵施行須至咨者

一咨衍聖公

崇禎二年正月初十日

禮部為禮儀事該本部題照得崇禎二年正

一月二十日恭遇

皇上躬臨太學釋奠

先師

命儒臣進講所有應行儀註例該先期演習合無

于正月十四日

命司禮監官同 內閣及執事官員俱赴國子監

習儀至期行禮其習儀日期合無照例

暫免朝參等因崇禎元年十二月二十六日本部

尚書兼翰林院學士何 等具題三十日

奉

聖旨釋奠進講禮儀着于正月十四日內監同閣

臣及執事官員赴文華殿演習查照天啟五

年例行欽此欽遵擬合通行及查歷朝舊例

併萬曆四年原題俱

請

命司禮監官同文武百官赴國子監演習今奉

旨改于

文華殿習儀除司禮監已經習儀外所有文武

大小臣工并執事官員仍遵舊例并天啟五

一 年例于十七日赴國子監演習庶免臨期差
悞爲此合咨前去煩爲查照

欽依內事理欽遵施行須至咨者

一 咨

衍聖公

崇禎二年正月十一日

太子太傅襲封衍聖公府爲清朝首錫之典
聖裔特被之恩懇乞

垂念先儒俯從特選事切照孔子六十三代孫
孔貞祚原係四氏學廩膳生員以天啟四年

先朝視學以學行公舉

召入陪祀受

大官宴

頒紵衣二表裏

命勒合馳驛禮竣本府疏奏乞

恩蒙

旨送監以示優異此我

朝幸學從來未有之典本族何幸沾之當時無所
措格借途

恩貢此典原謂

先聖廣恩廕未與某年恩貢序選次也所當監事

完日卽咨

部內除京職者緣禮部比時覆本議定民社職
官坐是本生尚希科第迂延至今已經五年
乃者恭遇

聖駕臨雍

欽取孔氏子孫觀禮爲此例該本府咨送本生前
赴

貴部煩爲照依民社職官仰求急選以便
幸學之日候迎

聖駕庶特恩可表而

先聖有光矣湏至咨者

計咨送

恩貢一名年三十五歲身中面白有鬚至

聖裔係特恩原未給文引

一咨吏部正堂

一手本行該司

崇禎二年正月十三日

太子太傅襲封聖公孔

揭爲患病不能陪祀事爵先具疏奉

旨准假調理令

皇上臨雍伊邇爵恙未痊實難陪祀有負
欽召洪恩極知罪孽深重伏望

仁慈垂宥容爵病可謝罪倘爵少愈得以勉力趨
迎

聖駕與於觀禮爵之幸也爵不勝戰慄恐惶之至
爲此除具奏外理合具揭瀆至揭者

奉

聖旨知道了禮部知道

崇禎二年正月十三日

署司事主事楊景

明禮部儀制清吏司爲禮儀事案查天啟五
年三月初六日

熹宗皇帝臨雍視學元該 內閣傳奉

聖諭分獻陪祀各官從人分獻官每員二人餘各
一人俱開寫姓名仍給年貌懸牌以便查照
如不係開進姓名及給牌員役不許一人
進欽此欽遵在卷今照正月二十日

皇上視學所有分奠陪祀官隨從人役年貌相應
查取以便開送內府并本部移文給牌爲此
合用手本前去

衍聖府煩爲查照并行四氏五經博士將隨從人役年貌姓名照數火速開送以便給牌施行須至手本者

崇禎二年正月 十三日署司事主事楊

景明禮部儀制清吏司爲禮儀事恭照

皇上臨雍例有賞賜四氏五經博士衣服相應查取爲此合用手本前去

衍聖府卽將手本并五經博士應用補帶并觀禮族人若干名條開履歷過司以便轉行關領施行須至手本者

崇禎二年正月十四日

太子太傅襲封衍聖公府爲禮儀事准禮部儀制清吏司手本前去開稱正月二十日

皇上視學所有分奠陪祀官隨從人役遵照天啟

五年三月初六

熹宗皇帝臨雍視事例分獻官每員二人餘各一人俱開寫姓名仍給年貌懸牌欽此欽遵在卷煩爲查照并行四氏五經博士將隨從人役年貌姓名照數開送以便給牌等因到府准此隨行各博士取具各隨從人役年貌姓

名見在合行會送爲此合用手本前去

貴司煩爲查照施行須至手本者

計開

太子太傅襲封衍聖公孔 伴官二員

劉一奎年貌 張應奎年貌

陪祀族人五人

孔彥乾有從人 孔彥鳳 孔弘毅

孔聞俊 孔尚皜

博士孔尚達 陪祀二人 從人一名

孔貞芳 孔尚遜

博士顏光魯 陪祀二人 從人一名

顏伯忠 顏伯偉

博士曾弘毅 陪祀二人 從人一名

曾承祐 曾繼宗

博士孟弘譽 陪祀二人 從人一名

孟聞鉦 孟聞熙

崇禎二年正月十六日

太子太傅襲封衍公府爲禮儀事恭照正月二

十日

皇上臨雍大典先該

貴部題

准議定儀注內一款二十一日文武百官行慶
賀禮襲封衍聖公率四氏子孫祭酒司業率學官
諸生各上

表謝

恩欽此今照本府偶因痰症不能就列觀揚
大典已經具本認罪請假見在候
旨所有謝
恩表文合行差委博士孔尚達代賞叩謝
隆恩爲此合咨

貴部煩爲代題恭

進請勿遲緩須至咨者

一咨禮部

崇禎二年正月

十六日

禮部爲禮儀事精膳清吏司案呈准本部儀
制司手本開稱崇禎二年正月二十日

皇上臨雍釋奠儀注內開二十一日襲封衍聖公
率肆氏子孫祭酒司業率學官諸生各上

表謝

恩

關里誌 卷之二十三
上御皇極門

賜宴武官都督以上文官三品以上翰林院學士
并簡討以上祭酒司業學官四氏子孫及禮
部太常光祿鴻臚寺執事官員與宴案查天
啟四年先該欽天監擇於本年八月初三日
視學釋奠亦用二十九日該司禮監題奉

熹宗皇帝聖旨是其慶賀之日免宴欽此欽遵隨
該臣部查照萬曆四年

神宗皇帝臨雍亦先免宴該部查有孔顏孟三氏
子孫衍聖公祭酒司業官賜宴事例覆奉

欽依孔胤植并四氏子孫祭酒司業照例宴於禮
部着尚書林堯俞待欽此欽遵其武官都督
以上文官三品以上翰林院學士并簡討等
官以上及禮部太常光祿鴻臚寺執事官員
俱免宴等因在卷今該前因通查案呈到部
相應題請伏乞

聖旨裁定勅下臣部遵奉施行等因崇禎二年正
月初十日具題十三日奉

聖旨孔胤植并四氏子孫祭酒司業照例宴於禮
部尚書何如寵待其餘各俱免宴欽此欽遵

等因案呈到部擬合就行爲此合咨前去煩
照本部題奉

欽依內事理欽遵至期帶領族人孔彥乾等并博
士顏光魯等于本月二十一日赴本部筵宴
施行瀕至咨者 一咨

衍聖公

崇禎二年正月 十七日

太常寺典簿廳爲四氏祭服事本

本寺案令據本廳案查祭服套數移文工部
監督六科廊

製造

衍聖公四氏等祭服以供

聖駕幸學祭祀之用令准六科廊造送今應照數
轉解到廳奉此相應解送爲此合用手本前
去

衍聖公 處煩爲查照後開套數分給供祀

施行瀕至手本者

計開

衍聖公 穿祭服一套 靴笏全

翰林院世襲五經博士孔尚達顏光魯曾弘

毅孟弘譽祭服四套鞋襪全

冠帶族長孔彥乾穿祭服一套鞋襪全

洙泗書院學錄孔弘顯穿祭服一套鞋襪全

崇禎二年正月二十一日

太子太傅襲封衍聖公臣孔 謹

奏為懇辭衣宴事爵以患病不能陪祀觀禮今

禮部具

題奉

旨俱蒙

恐懼不安罪有干荷

崇禎元年十二月十六日

太子太傅襲封衍聖孔

奏為敬陳罪狀乞假調理事臣居

賜第齋戒恭候叩祝

萬壽聖節乃臣偶感風寒痰火陡發至

誕辰不能趨

朝呼

嵩有失誠敬罪莫可追臣心恐俱不安謹具疏奏

奏陳伏望

皇上鑑宥准假調理痊可面

明史

卷之二十三

百五

恩認罪臣無任激切悚惶之至

二十九日

奉

聖旨准暫假調理不必認罪該部知道

崇禎二年正月二十五日

太子太傅襲封衍聖公府爲恭遇

視學太典事照得崇禎二年正月二十日蒙

欽取孔氏七人觀禮今事竣回籍所有族人應給

冠帶生員加以恩生此舊例也爲此合咨

貴部煩爲查照天啟五年

皇上俯准辭免容臣恙參謝

恩臣不勝瞻

天仰

聖待

命之至

奉

聖旨孔胤植行取觀禮偶病未過衣宴着祇受不

必辭該部知道

二十一日賜宴於禮部儀註

欽賜筵宴衍聖公孔頰曾孟四氏子孫祭酒司業

等官於本部是日早

朝畢待宴大臣及各與宴官俱穿大紅錦繡服色
至本部露臺上鴻臚寺鳴贊贊禮行一拜三
叩頭禮畢登堂以次相揖次博士次四氏族
人見兩跪兩揖畢簪花登席教坊司作樂七
行湯三品宴畢徹席仍於露臺上行一拜三
叩頭禮畢仍登堂以次相揖次博士見次四
氏族人見如前儀當日赴
鴻臚寺報名次日早謝

恩

幸學舊卷施行湏至咨者

計開

族人孔彥乾

孔彥鳳

孔弘毅

以上應給冠帶

廩生孔聞俊

孔貞芳

孔尚遜

孔尚皞

一咨禮部

崇禎二年正月

日

太子太傅襲封衍聖公府爲恭逢

大典照舊例請給勘合以光陪祀事據本府族人

孔彥乾等七人連名呈稱乾等遵奉劄文准
禮部咨查取乾等自由阜前來恭候

皇上幸學陪祀今已事竣伏查天啟年

幸學事例蒙賜陪祀族人勘合填給夫馬應付歸
里今乾等蒙取陪祀事例相同懇乞行會兵
部照例給賜勘合以光大典等情到府據此
看得

聖朝優渥隆恩追崇

聖祖有加無替今

幸學大典

欽取族人陪祀雖爲舊典實係羨觀今孔氏族人
陪祀事畢請給勘合委與天啟年事例相同
相應准行再照

聖朝恩典孔氏族人給與冠帶廩貢俱准送監其
啟行似難盡一合無請給勘合二道送府填
給尤爲族人恩便爲此合咨

貴部煩爲查照施行

崇禎元年十二月二十一日給

禮部

題爲恭遇

視學大典事儀制清吏司案呈奉本部送准

太子太傅襲封衍聖公府咨稱照得崇禎二
年二月二十日蒙

欽取孔氏族人七人觀禮今事竣回籍所有族人
孔彥乾孔彥鳳孔弘毅應給冠帶廩生孔聞
俊孔貞芳孔尚遜孔尚編加以恩監查照天

啟五年

幸學舊卷施行等因咨部送司案查

幸學典禮及天啟五年

視學事竣襲封衍聖公孔胤植奏

請乞將族人廩膳生員孔聞範孔聞謨孔貞祚三
人食糧有年不願冠帶將爲首者特與恩生
餘二人照恩貢例入監等因該本部查准貢
已經題停不便獨爲起例惟有姑准送監似
爲情理允合覆奉

欽依將孔聞範等俱各送監在卷今該前因通查
案呈到部看得衍聖公孔胤植咨送族人孔
彥乾等三人乞要各給官帶廩膳生員孔聞
俊等四人乞要加以恩監會典雖未詳載但
天啟五年孔聞範等業蒙

恩准送監此近例之可援者相應題

請合候

命下將生員孔聞俊等照例送監肄業其孔彥乾
等容臣部經自給劄冠帶庶不失

皇上崇重先聖之德意而名器亦非冒濫也但

恩典出自

朝廷伏乞

聖明裁定

勅下臣部遵奉施行緣

奉

聖旨孔聞俊孔貞芳孔尚遜孔尚皞准入監讀書

太子太傅襲封衍聖公府爲禮儀事照得崇禎

二年正月二十日恭遇

皇上臨雍大典先該禮部查照儀註奏奉

聖旨遣差中書舍人梁招孟賁咨到府

欽取孔氏老成族人七人隨經本府准照咨文事

理秉公遴選孔彥乾等各給劄付行取去后

今據家庭舉事孔弘顯呈稱年老路遙恐隆

嚴寒不能依期到京查有孔尚遜學優行

正年青貌秀堪以頂補恪供盛典等情到府

據此合行給劄爲此劄仰本生即便遵照劄
付事理星馳前來頂補弘顯名缺至期祇迎
聖駕陪祀觀禮毋得遲悞未便瀆至劄付者
一劄付族人孔尚遜准此

崇禎十三年九月二十九日


太子太傅襲封衍聖公孔胤植爲兄原襲五經
博士孔胤桂妻王氏比例請封奉
聖旨王氏着封孺人

欽頒誥命

奉

天承運

皇帝勅曰國家褒揚之典首重女貞若夫志勵栢
舟克光聖緒勉榮所以風世也爾太子太傅
襲封衍聖公孔胤植嫂王氏德門毓秀儒閥



作儀孝事姑嫜願代有籲天之感守堅伉儷
 靡他切從地之恩闡政肅清冰心映徹無忝
 宣文令範允標穎水高風之月封爾為孺人
 錫之勅命綸章生介石之輝闕里增葵屋之
 燦

寶璽

聖旨王丹着挂誥人

勅士丹胤封妻王丹其封誥挂奉

太子太師龔挂裕聖公丹胤封誥其封妻王丹

崇祿十三年六月二十六日

